

**Cour
Pénale
Internationale**



**International
Criminal
Court**

Original: English

No.: ICC-02/04-01/05

Nino dwe: 19.01.2024

JANG KOT ME ARYO ME CAKO PIDO

Inyim: Langolkop Rosario Salvatore Aitala, Langolkop ma Doro Pido
Langolkop Tomoko Akane
Langolkop Sergio Gerardo Ugalde Godinez

LOK MA KWAKO JAMI MA OTIMME I UGANDA
LOK MA LAKEL ADOT okello ikom DOMINIC ONGWEN

PI LWAK

Dokumen ma Kicoyo iye Adot

Oa ki: Opici pa Lakel Adot

Dokumen man omyero kicwal, malube ki cik 31 me *Cik me Tic pa Kot* bot:

Opici pa Lakel Adot

Karim A.A. Khan KC
Mame Mandiaye Niang
Leonie von Braun

Lapilida pa Lapyem Adot

**Lupilida macung pi Jo ma kitimo bal
ikom gi**

**Lupilida macung pi Jo ma openyo me
bedo i lok man**

**Jo ma kitimo bal ikom gi ma Lacungu
pirgi pe**

**Jo ma openyo bedo i lok man/cul pi bal
ma otimme ikom gi ma lacungu pirgi pe**

**Opici pa Lapilida pa Lwak pi Jo ma
kitimo bal ikom gi**

Paolina Massidda
Sarah Pellet

**Opici pa Lapilida pa Lwak pi Lupyem
Adot**

Xavier-Jean Keita

Luwang Lobo

Lurem Kot

REGISTRY

Karan Madit pa Kot

Oswaldo Zavala Giler

Dul ma konyo Lupilida

Dul pi Jo ma kitimo bal ikom gi ki

Lucaden

Nigel Verrill

Dul me Gang Twec

**Dul ma neno bedo i Kot ki culu Jo ma
kitimo bal i kum-gi**

Philipp Ambach

**Dul ma doro Lim ma kiketo pi Jo ma
Kitimo Bal i kom gi**

I. DANO MA KIBYEKO NI OTIMMO BAL: JOSEPH KONY

1. Joseph KONY kinywalo i dwe me Abungwen i mwaka 1961 i Uganda. Kaka ne Acholi dok en anywali me Uganda. En aye lacak dok latela pa Lord's Resistance Army ("LRA").

II. ADOT

A. Gin ma nyutu Bal ikare me Mony (Dul 8 me Cik me Roma)

2. Nicakke olo i nino dwe 1 me dwe me Abiro mwaka 2002 nio i nino dwe 31 me dwe me Apar wiye aryo i mwaka 2005, mony ma otero kare malac ikin mony pa gamente ki dul mony [pe ikin lobo mapatpat], obedo ka timme i kumalo me Uganda, i kabedo ma ikine tye iye, Acholi, Lango ki Teso. Ikare meno ducu, dul ma gubedo i mony meno obedo, LRA tungcel ki dul mony me Uganda ("UPDF") ki lukony kor gamente ma i tederu calo Amuka, Local Defence Units ki Arrow Boys, tungcel. Kukukuku me mony man orii pi kare malac dok race okato, i teko ne, ayela-yela ki telle ma ii lobo, calo jemo pa lwak, ki tim gero ma timme kicel kicel dok cawa mo keken. Pi kare ma kikelo iye adot ni, pol kare, LRA obedo kalweny ki UPDF ki dul mukene ma obedo ka konyo UPDF.

3. LRA onongo obedo dul mony ma oyubbe maber, ma obedo ki lulweny mia-ki-mia, ma onongo tye ki dul madit ma doru ma kilwongo ni Control Altar ki brigade angwen: Sinia, Stockree, Gilva, ki Trinkle. Brigade magi onongo kipoko gi i battalion ka dok i kampuni ma gi ngene bene ni "*coys*", ma dul acel acel onongo tye ki komanda ma tello. Nicakke i mwaka 2003, onongo bene tye ki division acel ma kilwongo ni Jogo. LRA onongo tye ki yub me pwonye ki me gwoko woro madoro tic pa lulweny pa LRA me bedo i lweny ki me woro oda. LRA obedo ki kwayi muduku ki nyig ricac ma patpat, ma ikine obedo iye, *machine guns* ki *rocket-propelled grenades* ki panga/pala lucwan ki pala.

4. Tim makwako adot ma tye i Dokumen ma kicoyo iye adot ("DCC") otimme malube ki, dok makubbe ki, mony ikin gamente ki dul mony. KONY ki lutim bal pa LRA onongo gingeyo tyen lok ma oweko cik cimmo ni tim meno obedo mony.

B. Gin ma nyutu Bal ikom Dano otimme (Dul 7 me Cik me Roma)

5. Nicakke olo i nino dwe 1 me dwe me Abiro i mwaka 2002 nio i nino dwe 31 me dwe me Apar wiye aryo mwaka 2005, LRA – dul ma poto iter dul 7(2)(a) me Cik me Roma – ooto mony i kabedo mapol dok kore ki kore ikom reya ma i kumalo me Uganda, kun gitimmo kwayi tim ma, obedo iye, tim mapol ma kicimmo ni bal iter dul 7 me Cik me Roma, ma ikine tye iye, bal ma kikelo iye adot ni i DCC man.

6. LRA ooto mony malube ki, dok me keto i tic yub pa dul meno me ooto mony ma kit meno. Miti madit pa LRA obedo me yogo kero ki turro gamente me Uganda kun kijemo ki lweny ki mony ma otero kare malac. Me cobbo miti meno ki neno ni mony man omedde, LRA iter tela pa KONY okemo reya, ma ikine onongo tye iye, ento pe gik ki dano ma onongo gibedo i kem pa oring ayela (“IDP kem”). LRA omakko reya madwong, ma pole onongo lutino (dano ma mwaka gi pe oo 18), ma ikine onongo tye lutino ma mwaka gi pe oo 15. Lutino awobe ki bulu ma coo pole kimakko gi me tic kwed gi calo lulweny i LRA. Lutino anyira ki bulu ma anyira pole kimakko gi me pokko gi bot lukomanda ki lulweny pa LRA calo lutic i gang ki me dokko mon ot iter dic.

7. Mony ma LRA ooto ikom reya obedo i kabedo mapol kun timme kama lac i kumalo me Uganda, orii nicakke i nino dwe 1 me dwe me Abiro mwaka 2002 nio i nino dwe 31 me dwe me Apar wiye aryo mwaka 2005, dok kitimmo iye bal ikom dano alip-ki-alip. Mony man bene obedo kore kikore pien onongo kimokko yub me timmo ne ki keto ne i tic. Tim ma otimme i mony ma ki ooto ni pe otimme labongo yub, ento dul pa LRA guketo man i tic ma kilubu jora moni pi kare malac, kun kit dano ma kibedo ka timmo bal ikom gi ni onongo gi rom dok kitiyo ki yoo marom, pien LRA obedo ka kemo reya ma onongo gibedo i IDP kem, caro, gangi kwan, gangi, ki i ambuc.

8. Tim ma kikelo iye adot i DCC kitimo ikare me ooto mony ikom reya i kabedo mapol dok kore ki kore. KONY ki lutim bal pa LRA ma gutimmo tim magi onongo gingeyo dok gimito ni tim gi obed adwogi me mony man.

C. Kit ma bal cung kwede i wii KONY

1. Rwom ki Twero pa KONY

9. KONY ocakko LRA dok obedo latela me dul mony ki dul me cungu i wii bye pa LRA ikare weng ma kikelo iye adot ni, ma en obedo ki twero ki loc weng ikom lumemba ducu pa LRA, ma ikine obedo iye, lulweny pa LRA ma gubedo ka timmo bal ma kikelo iye adot ni.

10. Lukomanda ki lulweny pa LRA gulubo oda pa KONY me timmo bal ma kikelo iye adot ni. KONY obedo ki twero, ma ikine obedo iye, miyo oda; neno ni kilubbo oda ma kigolo; golo oda bot lulweny ki dul mony ma gitye iter twero ne - kono gitye iter twero ne cut-cut onyo i rwom ma lapiny - me timmo tim gero; pwodo lulweny mo keken ma iter loc gi; ki me cwalo dul mony kama kitye ka timmo iye tim gero ki me kwanyo gi woko cawa mo keken.

11. KONY obedo ki twero weng me mokko gim ma obitimme ikom lumemba ducu pa LRA, wa ikom lukomanda ma malo. Lumemba mapol pa LRA obedo ki niyee ni KONY onongo tye ki twero pa tipo dok onongo ngeyo jami weng, niyee ma KONY obedo ka tic kwede me doro LRA.

2. LRA calo Dul Loc ma Oyube Maber i lok me Rwom

12. Ikine nino dwe 1 me dwe me Abiro mwaka 2002 ki nino dwe 31 me dwe me Apar wiye aryo mwaka 2005, LRA onongo dul loc ma kiyubu maber i lok me rwom.

13. Pol kare KONY onongo miyo oda atir onyo miyo bot lalub kore, Vincent Otti, me cwalo ne bot brigade lukomanda, ma gikwango bot lukomanda me battalion, ci gin bene kwango bot jo matye iter gi. LRA obedo ka tic ki radio ma *frequency* ne tye lamal calo yoo ma piretek loyo me kubbe ki lok i kin dul ma patpat. Ikare me kubbe ki lok me nino ducu ikin KONY ki lukomanda pa LRA, KONY onongo omiyo oda ki cimmo yoo me tic ma omyero kitii kwede, kimine ripot ki onongo cwalo mok mukene bot lukomanda me dul ma patpat. Kibedo ka lubu oda pa KONY kaweng i LRA.

14. Ma KONY onongo kome pe i dul pa LRA ma gitye katic i kumalo me Uganda, lukomanda me brigade guketo tek me neno ni kilubu oda ki mok pa KONY. Gumoko mok ikom yoo tic ki diro me cimmo kabedo me amonya ki makko reya, ki gupokko lutino ki mon ma kimakko gi, malube ki oda madit me tic ma KONY omiyo.

15. LRA obedo ki yub ma ger me doro woro ma obedo miyo pwod matek me neno ni dano olubbo cik pa LRA ki oda pa KONY. Pol lulweny pa LRA kimakko gi ma gitino, kicoyo gi tektek i LRA ma kidoro tam wii gi ki bura me tim gero ikom gi onyo too. Lulweny pa LRA olubbo oda pa ludito gi, ki madit loyo pa KONY. KONY bene onongo gwokko lok me woro i LRA kun tiyo ki lok me niyee gi ikom tipu.

16. Ikare man ma kikelo iye adot ni, LRA obedo ki wel dano madit ma onongo kiromo leyo kawang gi me neno ni kiketo oda magi tic, ma ka pe kitiyo kidano mo acel ma rwomme lapiny, ci kitiyo ki lawote mukene. KONY ki lutim bal luwote, ma nying gi kicoyo piny kany, weng obedo lukomanda pa LRA me rwom ma lamal. Gutiyu ki loc gi ki twero gi i LRA me neno ni kilubbu oda ki mok, dok guweko jo ma iter loc gi gutimmo bal ma kikelo iye adot ni. Meno oweko gubedo ki twero ikom bal ma kikelo iye adot ni.

3. Yub ma Kiyubu Kacel ki wiye wiye pa Oda pa KONY bot jo matye itern

17. Olo ikine nino dwe 1 me dwe me Abiro i mwaka 2002 nio inino dwe 31 me dwe me Apar wiye aryo i mwaka 2005, KONY oyubbu yub kacel onyo omokko lok ki Vincent Otti, lumemba me Control Altar, ki lukomanda me brigade, me monyo reya ma gitye i kumalo me Uganda ma LRA onongo tamo ni gicwako gamente me Uganda, ki me neno ni tic pa LRA omedde, kun kitimo bal ma kikelo iye adot iye ni (“Yub ma Kiyubu Kacel”). Olo pi but kare ma kikelo iye adot ni, lumemba me Yub ma Kiyubu Kacel ki acel acel, obedo ento pe ogik ki: Vincent Otti, Tolbert Nyeko Yadin, Raska Lukwiya, Okot Odhiambo, Charles Tabuley, Ocan Bunia, Buk Abudema, Dominic Ongwen, Charles Kapere, Lakati ki Jimmy Ocitti. KONY ki lutim bal luwote gutiyu kacel me keto i tic Yub ma Kiyubu Kacel, kun kitiyo ki dul pa LRA pa oyubbe maber i yoo me rwom me tela, ma onongo KONY ki lutim bal luwote aye gidoro kacel.

18. Pol kare KONY ki lutim bal luwote onongo yubbu yub me opotoro, ma ikine obedo iye, bal ma kikelo iye adot ni, ma onongo pole kitiyo ki radio pa LRA. Onongo mitte ni lukomanda pa LRA me rwom ma lamal gudwok lok i radio olo tyen adek inino acel. Ikare me kubbe ki lok man, KONY onongo miyo oda makwako lok me opotoro pa mony ki monyo reya, onongo mokko lok makwako lok me tic ki onongo kimme ripot, kit ma kicoyo kwede i Dul me 5 piny kany.

19. KONY ki lutim bal luwote onongo gingeyo jami ma oweko kiwacco ni LRA obedo dul loc ma oyube maber i lok kom rwom, dok ni KONY aye onongo tye twero madit loyo i LRA.

4. Bal ma kikelo iye adot malube ki Monyo IDP Kam ki Lwala Girls School

4.1. Monyo Lwala Girls School

20. I dwe me Abic ki Abicel i mwaka 2003, KONY ki Vincent Otti gumiyo oda bot dul pa LRA me monyo gangi kwan ki me makko anyira kwan wek kipok gi bot lukomanda ki lulweny pa LRA calo “mon” ki ting ting (anyira ma kigwoko i kwo me opii ma LRA tamo ni pud gitino tutwal me butu ki coo). Komanda me Stockree brigade Tabuley omiyo katala bot lukomanda matye iter loc ne me cimmo gangi kwan wek kiket i tic oda meno. Lukomanda me Stockree battalion, Lagulu ki Kapere, guwacco ni kikem Lwala Girls Secondary School (“Lwala Girls School”) gang kwan ma lutino kwan butu iye, matye i Lwala Village, Otuboi Sub-County, Kalaki County, Kaberamaido District ci guyeko lulweny 30 me monyo gang kwan meno ki me makko anyira kwan.

21. Inino dwe onyo ikine nino dwe 24 me dwe me Abicel i mwaka 2003, Stockree brigade omony Lwala Girls School. Ikare me mony meno, anyira maromo 230 onongo gitye i gang kwan.

22. Lulweny pa LRA, ma onongo gitye ki jami lweny ma patpat, ma ikine onongo tye iye muduku, gudonyo i odi butu kama anyira kwan onongo gubutu iye ka gudiyo

gi me aa ki i kabutu. Kidiyo anyira kwan ma romo olo 70 ma mwaka gitye kine 13 ki 19 me cito ki lulweny pa LRA.

23. Ikare me monyo Lwala Girls School, lulweny pa LRA bene guturo dukan me gang kwan, ot kagwoko yat ki odi butu me gang kwan. Gukwanyo cam, yat ki jami mukene calo bongi ki mupalici me butu. Ingee mony meno, lulweny pa LRA gumedde gucito i Lwala stage ma onongo tye cok kenyo ki centa Otuboi, kama guturo dukan ka gukwanyo cam ki jami mukene, calo moo-dek ki cabun.

24. Anyira mukene ma kimakko gi kitweyo gi kacel ki tol onyo ki cuka. LRA oketo anyira kwan magi iter gwok pa muduku me gengo gi lwii dok ki bedo ka buru gi ki gojo ki/onyo too. Kidiyo anyira ni me tingo jami ma pek ma kiyako, me wot kwede i bor piny kun kimedde kiburu gi ki awano. Kidiyo anyira mukene me wot bor piny ki tyen gi nono. LRA gugoyo anyira ma kimakko ni ikare ma mukene otemo lwii.

25. Kigonyo olo anyira kwan 12 ma kimakko gi ingee nino acel me amak meno, ki mukene guyele gulwii. Anyira mukene ma kimakko gi ni kitero gi bot KONY, ma oyeru aryo me doko “mon ne,” (nen piny i dul coc 129-133), ka mukene ni kipoko gi bot lukomanda mukene pa LRA me tic i gangi pa lulweny pa LRA (nen piny i dul coc 94 – 105).

4.2. Monyo IDP kem Pajule

26. Inino dwe onyo ikine nino dwe 10 me dwe me Apar i mwaka 2003, kine ka cawa apar wiye acel me ki apar wiye aryo me odiko, LRA omony IDP kem Pajule ki Lapul (“Pajule IDP kem”) ma onongo gutene cokcok i Aruu county, Pader district, Uganda. Ikare meno, ikine dano 15,000 ki 30,000 onongo gibedo i kem meno. Kikemo mony meno ikom reya ma onongo gibedo i kem meno.

27. Mony meno ki ooto malube ki oda pa KONY ma kitiyo kwede kare ducu me monyo reya. Vincent Otti obedo komanda ma dit loyo i doru mony man. Lulweny pa LRA ma i Control Altar, Trinkle brigade ki Sinia brigade gubedo i mony man.

Lukomanda ma gubedo iye ikin gi obedo Dominic Ongwen, Raska Lukwiya, Bogi Bosco, ki Onyee.

28. Lulweny pa LRA ma kato 100, ma ikin gi onongo tye iye, lutino ma mwaka gi pe oo15, ma gubedo ki kwayi jami lweny ma patpat, gumonyo kem meno kun giwoto i dul ma patpat. Dul acel olweny ki UPDF ki i barak pa mony i kem ni; dul acel okemo kabedo pa reya, ma ikine onongo tye centa cato wil; dul acel omony micion pa Katoli; ka dul acel kimini gi katala me keto ambuc ikom mony pa UPDF ma kibicwalo ka laro luwot gi.

29. Ikare me mony Pajule IDP kem ki cutcut ingeye, LRA oneko olo reya angwen, kun mukene kigoyo gi wa i too ki mukene kicello gi acela. Dako acel kitongo ki pala panga.

30. Ikare me mony Pajule IDP kem, lulweny pa LRA guturo odi mapol pa reya ki dukan ci gukwanyo cam, ma ikine obedo iye, muranga, moko-kwon, kado, cukari, moo-dek, anyogi, cwit, bickut, pul, soda, jami ot calo gin butu, bongi, radio, cuburiya, yat, lee apita paco ki cente. Ma lulweny pa LRA guaa ki i kem, gucito ki jami ma guyako ni.

31. LRA gumakko reya mia-ki-mia ma onongo gibedo i IDP kem Pajule ci kidiyo gi me tingo ter ma guyako, ma ikine obedo ter ma pek, wot kwede i bor piny ikare ma gitye ka aa ki i kem. Kidiyo jo mukene ma kimakko gi me tingo lulweny pa LRA ma guwane. LRA guketo jo ma gumakko ni iter gwok pa muduku me gengo lwii kun kiburu gi ki gojo onyo too. Kitweyo jo mukene kacel ikomi luwot gi. Kidiyo jo ma kimakko ni me wot ki tyen gi nono onyo ma pe gurukke weng maber ki bongo, i dye lum i bor piny. Lulweny pa LRA gugoyo jo ma kimakko ni wek guwot oyot.

32. Ingee mony meno, Vincent Otti omiyo ripot bot KONY ki radio pa LRA ikom adwogi me mony man, ma ikine obedo iye, nekkoreya. Ma KONY owinyo lok man, odok iye ki nyero.

4.3. Monyo IDP kem Abia

33. Inino dwe onyo ikine nino dwe 4 me dwe me Aryo i mwaka 2004, i kin cawa apar ki nucu ki apar wiye acel ki nucu, LRA gumonyo IDP kem Abia, matye i Teobio Village, Apalo Sub-County, Moroto County, Lira District, Uganda. Ikinereya 12,000 ki 15,000 onongo gibedo i kem ni. Kikemo mony man ikom reya ma onongo gibedo i IDP kem Abia.

34. Ki ooto mony meno malube ki oda pa KONY ma kitiyo kwede kare ducu me monyo reya. I cabit ma okato anged ma onongo pud pe ki ooto mony, KONY onwoyo oda ne me monyo ki nekko reya, ma ikine tye iye, reya i kabedo ma i Lango ki Teso, kama Abia IDP kem onongo tye iye. Okot Odhiambo, komanda me Stockree Brigade, ocikko lutic ma iter en George Labongo ki Vincent Okema me cito i Abia IDP kem, me nekko dano weng ma kunu, lumony wa ki reya weng, ki me wango odi, ki bene odi ma dano tye iye.

35. Lulweny pa LRA ma romo 150-300 ma gitye ki jami lweny aye guonyo kabedo man. Lulweny pa LRA gumonyo barak pa mony, kama gang kwan tye iye, ki centa cato wil, kun giwango odi i yoo gi.

36. Ikare me monyo Abia IDP kem, ki cutcut ingeye, LRA guneko olo reya 40. Lulweny pa LRA guneko reya, ma pole obedo mon, lutino ki jo mutegi, kun kicello gi ki muduku ki/onyo kitiyo ki bomb ikom odi kama reya onongo gitye kakane iye, kigoyo gi onyo kibakko gi wa i too, ki wango reya ma kwo i odi gi.

37. Olo reya 25 guloyo too, kadi bed ni gunongo awano ma adwogi ne onongo romo bedo too, pi tyen lok mapat. Kiweko gi pien onongo kitamo ni gutoo woko ki/onyo ni gyele gulwii. Ikare me monyo Abia IDP kem, reya mogo guneno lulweny pa LRA ka kineko luot gi onyo lugangi mukene.

38. LRA gucwinyo gangi pa reya i IDP kem Abia. Kiwango dok kibalo odi maromo 182 pa reya ki jami ma ii.

39. Ikare me monyo IDP kem Abia, lulweny pa LRA guturo gangi pa reya ki dukan ci guyako jami calo muranga, ki kado. Guyako bene lee apita paco, calo dyangi ki dyegi. Ma lulweny pa LRA guaa ki i kem, gucito ki jami ma guyako ni.

40. LRA gumakko olo reya 6 ki i IDP kem Abia, ma ikine onongo tye iye lutino ma mwaka gi pe romo 15. Kiweko jo ma kimakko gi guwoto iter gwok pa muduku ki kitiko bedo buru me gojo onyo too. Kitweyo mukene ki tol. Jo ma kimakko gi ni kigoyo gi ka kitwono gi ki pii maleng. Lulweny pa LRA gukwanyo latin nyako ki bot dako acel ma kimakko. Gubolo latin meno i pii kulu kama omwony i pii ci gutongo dako ma kimakko ni ki panga.

41. Ingee ooto mony man, Odhiambo ocwalo ripot ikom mony meno bot KONY, ma iye obedo yom ci opwoye. Ingeye, KONY otiyo ki monyo kabedo man calo labol ma dul pa LRA weng omvero gulubi ci omiyo oda bot Odhiambo me yubbo mony madit loyo meno.

4.4. Monyo IDP kem Barlonyo

42. Inino dwe onyo ikine nino dwe 21 me dwe me Aryo i mwaka 2004, kine ka cawa apar wiye acel ki dakika pyerangwen wiye abic me otyeno, LRA omonyo Barlonyo IDP kem matye i caro me Barlonyo, Orit Parish, Ogur sub-county, Erute North county, Lira district, Uganda. Ikare meno, ikine reya 1,000 ki 4,800 onongo gibedo i kem meno. Kikemo mony man ikom reya ma onongo gibedo i IDP kem Barlonyo.

43. Ki ooto mony meno malube ki oda pa KONY ma kitiyo kwede kare ducu me monyo reya. I cabit ma okato anged ma onongo pud pe ki ooto mony, KONY onongo omiyo oda bot LRA me monyo kem i kabedo ma i Lango ki Teso, kama kem Barlonyo onongo tye iye. Lulweny pa LRA ma romo olo 63 gubedo ma guaa ki i dul adek me Stockree Brigade, Sinia Brigade ki Division, ki Odhiambo calo komanda madit loyo gubedo imonyo IDP kem Barlonyo.

44. Lulweny pa LRA gucako mony meno ki lweny ikom dul mony Amuka i barak pa mony cok ki kem, ka ingeye guket i kabedo pa reya, kun gimonyo reya ma gibedo kunu.
45. Ikare ma kimonyo IDP kem Barlonyo, lulweny pa LRA guneko olo reya 200 ma onongo gibedo i kem kun kicello gi acela, kiwango ki/onyo kigoyo gi wa i too. Olo dako acel ma kikemo me aneka oloyo too, pien ricac ma lalweny acel pa LRA obayo ikome, pe ocelle.
46. Ikare me monyo IDP kem Barlonyo, lulweny pa LRA guturo odi pa reya ki dukan ci guyako cam ki jami mukene, calo muranga, kado, ki lee apita paco. Ma guaa ki i kem, LRA gucito ki jami ma guyako ni.
47. Ikare me ooto mony, lulweny pa LRA gucwinyo olo odi lum 300 pa reya i IDP kem Barlonyo. Cok kem weng owang woko.
48. Ingee mony meno, Odhiambo okwango adwogi me mony man bot KONY i radio pa LRA. KONY iye obedo yom ki adwogi tic ma kidwoke ni ci ocikko lulweny mukene pa LRA me lubbo lanyut pa Odhiambo dok nikimonyo ka kinek reya. Inino dwe 13 me dwe me Adek i mwaka 2004, KONY omedo rwom pa Odhiambo i Brigade General calo mic me pwoye pi cobbo tic maber, kun lokko ikom monyo IDP kem Abia ki Barlonyo.

4.5. Monyo IDP kem Odek

49. Inino dwe onyo ikine nino dwe 29 me dwe me Angwen i mwaka 2004, LRA omonyoo Odek IDP camp, matye i Odek sub-county, Omoro County, Gulu District, Uganda. Ikare meno, ikine reya 2,000 ki 3,000 onongo gibedo i kem meno. Kikemo mony man ikom reya ma onongo gibedo i IDP kem Odek.
50. Ki ooto mony meno malube ki oda pa KONY ma kitiyo kwede kare ducu me monyo reya. I cabit ma okato anged ma onongo pud pe kioto mony, KONY onwoyo oda me nekkoo reya, dok olokko atikane ikom Odek calo kabedo ma omyero ki mony. Lulweny pa LRA ma romo olo 30, ma ikin gi obedo iye lutino ma mwaka gi pe romo

15, ma onongo gitye i Sinia Brigade ki lulweny aryo ma onongo gitye i Gilva Brigade gubedo i mony meno, iter tela pa komanda madit loyo weng, Dominic Ongwen.

51. LRA gumonyo IDP kem Odek i dul aryo, acel okemo barak pa mony ki mukene ni okemo kabedo pa reya. Kimiyo oda botlulweny pa LRA me kemo dano weng ma gibinongo gi i IDP kem Odek, ki me yakko cam ki makko reya.

52. Lulweny pa LRA guturo odi ki dukan ka guyako cam ki jami mukene ki i dukan matye i cent cato wil ki i gangi pa reya, ma ikine obedo iye, muranga, moo-dek, anyogi, moko, soda ki jami amata mukene, bickut, cukari, kado, moko unga, cabun, bongi, cuburiya, gibuto, ki war. Ikare ma lulweny pa LRA guaa ki i kem ni gucito ki jami ma guyako ni ka gupoko i dog odi pa lukomanda pa LRA.

53. Ikare me mony ki ma gitye ka aa, LRA oneko olo reya 52. Lulweny pa LRA ocello reya, gubayo ricac mapol ii odi pa reya, gugoyo dok gubakko gi wa i too ka guwango olo ot lum acel ki reya iiye. Reya mukene kicello gi ikare ma gitye karingo ki bot LRA. Jo ma kitimo bal ikom gi obedo iye, ludito mutegi, lutino, dako ma onongo iye tye, ki mon ma onongo gubyelo lutino i ngee gi. Olo wang maromo 10, reya ma kikemo gi me aneka pe gutoo, pi tyen lok mapat. Lalweny acel ma dako pa LRA otiyo ki laket ki olutokwon me nywaro i yoo me butu tektek reya acel ma i kem, kun kidiyo cwar dako meno me neno ne. Anywar meno kitimo ki kero matek ma oweko remo ocako cwer.

54. I ngee cawa acel ma LRA gucako mony IDP kem Odek, lulweny pa LRA guaa ki i kem ikare ma mony mukene pa gamente guoo ka jingo kor luwot gi. Ikare ma guaa ki kem, LRA gumakko olo reya ma coo, mon, ki lutino maromo 40. Kidiyo jo ma kimakko gi, ma ikine onongo tye iye lutino me mwaka 11 onyo 12, me tingo jami ma kiyako me kwanyo ne ki i kem. Jo ma kimakko gi ni gubedo iter gwok pa muduku me gengo gi lwii dok kitiko bedo kaburu gi ki gojoco onyo too. Kidiyo gi me tingo ter mapek wot kwede i bor pinykun kitiko buru gi ki awano, kare mukene guwoto ki tyen gi nono.

55. Kidiyo coo abungwen ma kimakko gi, me tingo lalweny pa LRA ma owane ci kinekko gi ikare ma lalweny pa LRA meno otoo. Kigoyo jo ma kimakko gi ki odoos ki muduku. Kigoyo jo ma kimakko pi wot mot tutwal. Kidiyo dano acel ma kimakko me nekko dano acel mukene ma kimakko ki olek ka kidiye me ngiyo lyeli. Kidiyo dano acel mukene ma kimakko me neno ka kineko dano mo. Lulweny pa LRA gudiyo megi lutino mapol me weko lutino gi i teng yoo; latin acel kiweko iwii obur yugi.

56. I ngee monyo meno, Dominic Ongwen ocwalo lok ikom adwogi me mony ki radio pa LRA bot lukomanda mukene pa LRA ki bot KONY, kun omiyo ripot ni lulweny ne gumonyo IDP kem Odek maber, gucello dano, gumakko reya, ki guyakko kem. KONY iye obedo yom ikom adwogi tic ma kidwoke iye lok.

4.6. Monyo IDP kem Pagak

57. Inino dwe onyo ikine nino dwe 16 me dwe me Abic i mwaka 2004 kine ka cawa apar wiye aryo me otyeno, LRA omonyo Pagak IDP camp, ma bene ngene ki nying Wianono onyo Wiya Nono, matye i Lamogi Sub-County, Kilak County, Gulu District, Uganda. Ikare ma kioto mony, olo reya maromo 14,000 onongo gibedo i kem meno. Kikemo mony man ikom reya ma onongo gibedo i IDP kem Pagak.

58. Ki ooto mony meno malube ki oda pa KONY ma kitiyo kwede kare ducu me monyo reya. I cabit ma okato angec ma onongo pud pe kioto mony, KONY onwoyo oda ne me nekko reya, ciomiyo oda bot dul pa LRA me monyo kabedo matye i Gulu, kama IDP kem Pagak onongo tye iye. Lulweny pa LRA ma i Control Altar ki Gilva Brigade gubedo i lweny meno. Vincent Oti obedo komanda madit loyo ikare me mony man. Thomas Kwoyelo ki Raska Lukwiya, lukomanda mukene me rwom ma lamal bene gubedo iye.

59. Lulweny pa LRA maromo olo 40, ma onongo gitye ki jami lweny ma patpat, ma ikine obedo iye, muduku B-10, RPG, ki muduku PK, gumonyo kem i dul aryo, acel okemo barak pa mony ki acel okemo ki kabedo pa reya.

60. Ikare me monyo IDP kem Pagak ki i ngeye, lulweny pa LRA gunekko ka olo reya maromo 33 ki i IDP kem Pagak. Lulweny pa LRA gunekko pol pa reya, ma ikine onongo tye iye lutino, kun kigoyo ki odo wa i too cok ki got Guruguru, ma cok ki kem Pagak. Jo ma kitimo bal ikom gi obedo iye, mege ki lutino, ma onongo mege obyelo gi ingee gi. Pi kare maromo olo 7, reya ma kikemo gi ma aneka pe gutoo, pi tyen lok mapat. Jo magi oloyo too, ento gunongo awano maracu atika.

61. Ikare me ooto mony, lulweny pa LRA guturo gangi pa reya ki dukan ka gukwanyo cam, ma ikine obedo iye, moo, moko, anyogi ki muranga. Guwango bene gangi pa reya ma i kem. Kibalo olo gangi maromo 500.

62. LRA omakko olo reya maromo 39 ma i IDP kem Pagak. Lulweny pa LRA odiyo gi me tingo jami ma kiyako, calo moo-dek ki muranga, ma lacen kipoko bot lukomanda ki lulweny pa LRA. Kidiyo dano acel ma kimakko me tingo lyel pa lalweny ma kinekko i kare me mony meno. Kigoyo jo ma kimakko gi onyo kidiyo gi me neno ka kigoyo luwot gi ma kimakko, mukene wa i too.

63. Inino dwe 17 me dwe me Abic, nino dwe 1 me dwe me Abicel ki nino dwe 2 me dwe me Abicel Vincent Otti onyamo lok gin ki KONY ikom mony ma ki ooto i IDP kem Pagak, ma KONY onwoyo oda ne ni omyero kikem reya i yoo ma kit meno dok ni ooto mony ma kit meno omyero owek UPDF olwor LRA.

4.7. Monyo IDP kem Lukodi

64. Inino dwe onyo ikine nino dwe 19 me dwe me Abic i mwaka 2004 kine ka cawa apar wiye aryo me otyeno LRA omonyo Lukodi IDP IDP kem, matye i Bungatira Sub-County, Aswa County, Gulu District, Uganda. Ikare me mony meno, olo reya maromo 7,000 onongo gibedo i kem meno. Kikemo mony man ikom reya ma onongo gibedo i IDP kem Lukodi.

65. Ki ooto mony meno malube ki oda pa KONY ma kitiyo kwede kare ducu me monyo reya. Komanada ma onongo dit loyo ikare me mony mony meno obedo komanda me Sinia Brigade Dominic Ongwen. Lulweny pa LRA maromo olo 80, ma

ikine onongo tye iyelutino ma mwaka gi pe romo 15, ma onongo gitye i sickbay pa Sinia Brigade ki Gilva Brigade. Ocaka obedo ikin lukomanda mukene ma gubedo i mony man.

66. Lulweny pa LRA ni gucito i kabedo pa reya ma i kem ci lulweny mukene gucito i barak kalweny ikom lumony pa gamante, gugwenye ki mac wiye wiye ki lulweny pa LRA ci guringo woko oyot oyot, guweko reya ma i kem ni labongo kwot mo me gwoko gi.

67. LRA gunekko coo, mon ki lutino maromo olo 48. Kicello, kiwango ki kigoyo reya wa i too ikare ma LRA gitye aa. Pi kare maromo olo 11, reya ma kikemo gi ma aneka pe gutoo, pi tyen lok mapat. LRA gubayo ricac ikom reya ma mukene kiwango gi. Kigoyo reya ci kiweko gi pien onongo kitamo ni dong gutoo woko, mukene kibolo gi i odi ma onongo tye kawang.

68. Ikare me monyo IDP kem Lukodi, lulweny pa LRA gudonyo i gangi ki dukan pa reya ka guyakko cam ki jami mukene ki ii gi. Ikin jami ma kiyakka onongo tye iye, muranga, anyogi, moo-dek, cabun, jami ot, gweni, cente ki bongi. Ma lulweny pa LRA guaa ki i kem, gucito ki jami ma guyako. Ikare me monyo IDP kem Lukodi, lulweny pa LRA gucwinyo odi lum. Kiwango odi lum pa reya maromo olo 200. Jami odi pa reya, ma ikine obedo iye, cam ma gugwoko, owang i mac meno. LRA bene owango lee agwoka paco calo dyegi.

69. LRA omakko reya maromo olo 29 ma ikin gi obedo iye, coo, mon ki lutino. Lulweny pa LRA gudiyo jo ma kimakko ni me tingo ter ma pek, mukene i bor piny, kun onongo kitweyo gi kacel. Lulweny pa LRA oketo jo ma kimakko gi iter gwok pa muduku me gengo gi lwii ci giburu gi ki gojo onyo too. LRA gudiyo megii lutino ma kimakko gi me weko lutino gi i lum. Lulweny pa LRA gubayo i lum lutino ma tino, ma ikine obedo iye lutino lukere, pien lutino ni onongo gitye ka koko, ci onongo giweko bedo tek bot megii gi me tingo jami ma kiyakko. Dako acel ma kimakko owane ki lulweny acel pa LRA obutu kwede tektek.

70. Ingee mony man, Dominic Ongwen odwoko lok pi mony meno i radio pa LRA bot KONY ki Vincent Otti. KONY ocuko cwiny Dominic Ongwen me medde ki ticce. Inino dwe 30 me dwe me Abic i mwaka 2004, KONY ocwalo lok pi meddo rwom pa “lutic matek”, ma Dominic Ongwen onongo tye ikin gi.

4.8. Monyo IDP kem Abok

71. Inino dwe onyo ikine nino dwe 8 me dwe me Abicel i mwaka 2004, i cawa me otyeno, LRA omonyo Abok IDP camp, matye i Ngai sub-county, Apac district, Uganda. Ikare meno, ikine reya 7,000 ki 13,000 onongo gibedo i kem meno. Kikemo mony man ikom reya ma onongo gibedo i IDP kem Abok.

72. Ki ooto mony meno malube ki oda pa KONY ma kitiyo kwede kare ducu me monyo reya. Ikin nino ki cabit ma okato anged ma onongo pud pe ki ooto mony, KONY, Vincent Otti ki Buk Abudema gucikko Dominic Ongwen me medde kimonyo reya ma i kem. Lulweny pa LRA ma i Sinia brigade gubedo i mony meno, iter tela pa lakomanda me Sinia Brigade, Dominic Ongwen. Okello Kalalang obedo ikin lukomanda mukene ma bene gubedo i mony meno.

73. Lulweny pa LRA maromo olo 20 ma onongo gitye ki jami lweny, ma ikin gi obedo lutino ma mwaka gi pe romo 15, gumonyo kem meno. Lulweny pa LRA gudonyo tung kabedo pa reya ma i kem, kun gicello muduku. Ingee meno, dul lulweny mukene guoo i barak ma onongo tye tung malo me kupotoceng pa kem, kama lumony pa UPDF gujemo me gwoko barak ento pe otwere me gengo monyo kabedo pa reya.

74. Ikare me monyo IDP kem Abok, lulweny pa LRA gunekko reya maromo olo 28 ma onongo gibedo i kem, kun kicello, kiwango ki kigoyo gi wa i too. Pi kare man olo romo 11, dano ma kikemo gi me aneka gutoo, pi tyen lok mapat. Lulweny pa LRA gucello onyo gugoyo jo magi, ma gunongo awano maracu atika.

75. Ikare me monyo IDP kem Abok, lulweny pa LRA guyako cam ki jami mukene ki i odi pa reya ki dukan ki i centa cato wil, ma ikine obedo cukari, moko, muranga,

anyogi, dyegi, moo-dek, bickut, kado, radio, cente, bongi, jami tedo ki yat. Ma lulweny pa LRA guaa ki i kem, gucito ki jami ma guyako ni ci kipokko gi i gangi pa lukomanda pa LRA.

76. Lulweny pa LRA gubalo jami pa reya ma i IDP kem Abok, kun ikine mukene, kicwinyo odi lum ma i kem ki mac, ikare me mony man. Kiwango dok kibalo gangi miya-ki-miya pa reya ikare me mony man.

77. LRA omakko olo reya maromo 14, ikine obedo iye, coo, mon ki lutino, ki i IDP kem Abok. LRA odiyo gi me tingo ter mapek ma kiyakko ma pek, ki lulweny pa LRA ma owane, i bor piny kun kiburu gi ki gojo onyo too. Jo ma kimakko gi ni gubedo iter gwok pamuduku me gengo gi lwii dok mukene kitweyo gi ikom luwot gi. Lulweny pa LRA gugoyo jo ma kimakko ni calo yoo me minii gi pwod ki me buro jo mukene me medde labongo cungo onyo jemo. Lulweny pa LRA gudiyo dano acel ma kimakko me nekko dano mo mukene ki olek, calo lanyut bot jo mukene ma gitye ki tam me lwii.

78. Dominic Ongwen odwoko lok ikom adwogi me mony man i radio pa LRA bot lukomanda mukene pa LRA ki bot KONY, kun wacco ni lulweny ne omony IDP kem Abok, ci gucello dok guwango jami weng ma onongo tye kunu, wa odi lum ma i kemi.

4.9. Adot ma rom makwako monyo IDP Kem ki monyo Lwala Girls School

79. KONY ki lutim bal pa LRA gutimo akaka tim gero ikom dul pa reya oluu ki ikom dano ki acel acel ma pe gitye i lweny atir atir.

80. Dano ma lutim bal pa LRA onekko gi, otemo nekko gi, oketo gi ikwo me opii, owunu gi, otimmo tim alany mukene ikom gi ki otero gi i yoo marac, onongo gubedo reya ma pe gitye i lweny mo keken, dok KONY ki lutim bal pa LRA onongo gingeyo tyen lok ma oweko cik cimmo ni dano meno tye reya.

81. Malube ki tim ma kitito malo ni, lutim bal pa LRA guturo i yoo marac atika - ma pe rwatte ki cik me wilobo - twero ma pirgi tek, pa dano ma onongo gibedo i kem 7 ma kilokko iye malo ni, ma ikine obedo iye, twero me bedo ma kwo, twero me bedo agonya ki me ber bedo, twero me bedo agonya me wot ka mo keken, twero me bedo

ki jami, twero ma gengo tim awun onyo tero dano i yoo marac, tim ma pe opore pi dano onyo ma dwoko piny rwom pa dano, ki ma gengo bedo opii onyo bedo ki twero ikom dano calo jami ni. Kikemo lumuku reya ma onongo gibedo i IDP kem magi, pi tyen lok makwako lok me wii byee, pien lutim bal pa LRA onongo gitamo ni reya magi winye ki dok/onyo gicwako gamente me Uganda.

82. Malube ki tim ma kitito malo ni, lutim bal pa LRA guturo i yoo marac atika twero ma pirgi tek pa anyira kwan me Lwala Girls School, ma meno pe rwatte ki cik me wilobo, ma ikine obedo iye, twero me bedo agonya ki me ber bedo, twero me bedo agonya me wot kamo keken, twero ma gengo tim awun onyo tero dano i yoo marac, tim ma pe opore pi dano onyo ma dwoko piny rwom pa dano, ki ma gengo bedo opii onyo bedo ki twero ikom dano calo jami ni. LRA okemo lumuku anyira kwan ni pi mwaka gi ki bedo gi anyira.

83. Kama LRA omakko iye reya ki i IDP kem ki dok i Lwala Girls School, lutim bal pa LRA gutiyo ki twero keto jo ma kimakko ni iter twero ma won jami bedo kwede ma ikine obedo iye, gengo gi bedo agonya, diyo gi me timmo tic tektek, ki dwoko piny rwom gi me bedo calo opii.

84. Yoo ma LRA otero kwede reya ikare me mony ki ingeye, ma pud gitye iter loc ki twero pa LRA, oketo arem malit me kom ki me wic dok oweko gudeno can malit, ki awano marac atika me kom ki me wic onyo me yotkom. Arem ki can ma kideno ni pe oaa dok pe obedo adwogi me pwod ma kimiyo iter cik. Kitimo tim man me buru, pwodo ki diyo reya, ma ikine onongo tye iye, dano ma kimakko gi ki i IDP kem ki i Lwala Girls School.

85. Jami ma lutim bal pa LRA gubalo ni onongo jami pa jo ma onongo gibedo i IDP kem ma onongo kitamo ni gi winye ki gamente me Uganda, pi meno ni onongo kitamo ni gin lumone. KONY ki lutim bal pa LRA onongo gingeyo tyen lok ma oweko cik ocimmo ni jami magi pa reya, dok balo jami magi onongo pe mitte me bwoyo lumone.

86. Jami ma lutim bal pa LRA guyako ni kikwanyo gi labongo twero pa wegi jami, dok obedo kimitti me kwanyo jami magi me acata/aloka onyo me tic kwede.

4.10. Bal ma ikom Lutino ma Kimakko gi ci Kiketo gi i LRA

87. Nicakke ikine nino dwe 1 me dwe me Abiro mwaka 2002 nio i nino dwe 31 me dwe me Apar wiye aryoo mwaka 2005, KONY ki lutim bal luwote gutimmo tim ma gubedo iye kacel me makko lutino (dano ma mwaka gi pe romo 18) i kumalo me Uganda, ma ikine tye iye, lutino ma mwaka gi pe romo 15 kiketo gi i LRA. KONY ki lutim bal luwote gujenge ikom lulweny pa LRA ma iter twero gi me ketto i tic yub me amak i dul weng pa LRA, ka ingeye kitiyo ki yub ma kiyubu maber dok ma kitiyo kwede kaweng, me timmo tim gero me kom ki me tam wic ikom lutino ma kimakko gi ni.

88. Ikare ma kikelo iye adot ni, LRA omakko olo lutino mia-ki mia, ma ikom meno mia-ki-mia onongo mwaka gi pe romo 15, ki i caro, gangi kwan, IDP kem, ki i kabedo mukene, ci kiketo gi tektek i LRA me timmo kwayi tic ma patpat malube ki kit ma kipokko kin dog tic pa coo onyo pa mon. Amak man bedo iye, ento pe ogik ikom lutino ma kimakko gi ki i Lwala Girls School inino dwe onyo ikine nino dwe 24 me dwe me Abicel mwaka 2003, IDP kem Pajule inino dwe onyo ikine nino dwe 10 me dwe me Apar mwaka 2003, IDP kem Odek inino dwe onyo ikine nino dwe 29 me dwe me Angwen mwaka 2003, IDP kem Lukodi inino dwe onyo ikine nino dwe 19 me dwe me Abic mwaka 2004, IDP kem Abok inino dwe onyo ikine nino dwe 8 me dwe me Abicel mwaka 2004. KONY ki lutim bal pa LRA gukemo lutino, pi mwaka gi, pien onongo kineno ni bedo tek bot gi me lwii dok lokko tam wii gi yot onyo makwako anyira, ni gi peke ki two ma kobo i yoo me butu.

89. Ingee makko gi, kipokko lutino magi i dog odi pa lukomanda pa LRA onyo kicwalo gi iter loc pa lukomanda ki lulweny ma kicimmo dok kiminii gi kwayi tic malube ki bedo gi anyira onyo awobe. Lutino weng ma LRA omakko gi kigengo gi bedo agonya ki kidwoko piny rwom gi me bedo calo opii. Kidiyo awobe ki anyira ma kimakko me timmo tic tek-kom calo cokko yen, yubbu kagoyo gony, ki tingo jami ma mitte pi kwo ki jami me tic pa lulweny ki lukomanda pa LRA. Awobe pole kidiyo gi me timmo tic mony, anyira ki tungcel pole kitimo tim madok ikom butu kwed gi,

nyodo, ki tim gero mukene pi bedo gi anyira kit ma kitito kwede i dul coc 4.11. Anyira mukene kono bene gubedo i ooto mony dok gunongo pwonye me tic mony.

90. KONY ki lutim bal pa LRA gutiyo ki twero ma won jami bedo kwede, ikom lutino ma kimakko ni, me keto gi ikwo me opii. Kitiyo kwed gi calo jami ma kiromo bayo ne dok bene onongo kitwero, pien pol kare, kibedo kakobo gi ki bot komanda acel onyo lalweny acel kun kimiyo gi bot komanda onyo lalweny mukene, ki dul pa LRA ma patpat.

91. Lutino ma kimakko ni gubedo ikwo me dic ki gero, ma ikine onongo tye iye, kwayi awanu mapol me kom ki me tam wic. Pol kare kibedo kagoyo gi ki kitero gi i yoo marac. Kidiyo gi me goyo ki/onyo nekko jo mukene ma kimakko, ki me neno ka kitimo tim gero maracu atika ikom jo mukene. Kibedo ka buru tere-tere ki tim gero ikom gi onyo nek kace guturo cik pa LRA. Kiweko lutino ni guwoto bor piny dok pol kare nongo kec tye kaneko gi. Kigengo gi bene me nongo kit kwan mo keken. Tim man oketo arem me kom ki me tam wic malit ikom lutino ni, pe oaa dok pe obedo adwogi me pwod ma kimiyo iter cik. Arem ki can ma kideno ni obedo pi tyen lok me buru, diyo ki pwodo gi. Lutino man onongo gitye iter loc ki twero pa lutim bal pa LRA.

92. Lutino ma kimakko ni pe gubedo agonya me weko LRA. Kiburo gi ni, kace gutemo lwii, kibineko gi ki lugangi. Ma ikom lok, kineko lutino mapol pi temmo lwii. Kigoyo mukene pi temmo lwii. Kiketo bene ikwo me opii lutino ma mon ki anyira ma onongo tye ikwo me opii aye onywalo, ka kidiyo gi me bedo i LRA.

93. Ikin lutino ma kimakko ni, obedo bene lutino ma mwaka gi pe romo 15. Kiketo gi i LRA ka kitiyo kwed gi i dog lweny. Lutino ma kimakko ni kipwonyo gi, mukene kiminii gi muduku, ka kiketo gi ka tic i dul pa LRA. Lutino ma mwaka gi pe romo 15 gubedo i lweny ikom UPDF. Gukonyo kor lweny pa LRA ki dongo oduru, wango ki yakko odi pa reya, cokko ki tingo jami ma kiyako ki i kabedo ma kimonyo, gutiyo calo lurek ki escort. Ikare me monyo kabedo mogo ma kikelo iye adot ni, lutino ma mwaka gi pe romo 15 gubedo i lweny. KONY ki lutim bal pa LRA gungeyo onyo onongo omyero gunge ni lutino ni mwaka gi pe romo 15.

4.11. Bal ma ikom Anyira ki Mon ma Kimakko ci Kiketo gi i LRA

94. Nicakke inino dwe 1 me dwe me Abiro i mwaka 2002 nio i nino dwe 31 me dwe me Apar wiye aryo mwaka 2005, KONY ki lutim bal luwote gutimmo tim ma gubedo iye kacel me makko mon ki anyira, me keto gi i LRA. Ikare man, LRA omakko anyira ki mon mia-ki-mia ki i caro, gangi kwan, IDP kem ki kabedo mukene i kumalo me Uganda. LRA gumakko mon ki anyira man me timmo kwayi tic ma kicimmo i LRA ni tic pa mon, calo lutic ot ki bedo mon ot pa lukomanda ki lulweny pa LRA iter dic. Man obedo iye ento pe ogak ikom anyira ki mon ma kimakko gi ki i Lwala Girls School inino dwe onyo ikine nino dwe 24 me dwe me Abicel i mwaka 2003, olo anyira 4 ma kimakko gi ki i IDP kem Pajule inino dwe onyo ikine nino dwe 10 me dwe me Apar i mwaka 2003, ki olo anyira abic ma kimakko gi ki i Omiya Pacwa ikine me dwe me Abiro mwaka 2004.

95. Anyira ki mon ma kimakko ni kigengo gi bedo agonya ki kidwoko piny rwom gi me bedo calo opii. Kipoko gi bot lukomanda ki lulweny pa LRA labongo penyo gi. Poko anyira ki monobedo twero pa KONYonyo, kace en pe, twero pa lukomanda me brigade ki battalion pa LRA. Pol kare onongo kipoko anyira ki mon calo mic bot lulweny pa LRA. Kidiyo gi me bedo i dul kama kiketo gi iye, kun pole giwoto gilonge i kumalo me Uganda.

96. Mon ki anyira ma kimakko ni onongo pe gitye agonya me weko LRA. Kiburo gi ki too kace gutemo lwii. Kare mukene, kineko mon ki anyira pi temmo lwii.

97. Mon ki anyira ma kimakko ni LRA ni gubedo ikwo me dic ki gero, ma ikine onongo tye iye, kwayi tim gero mapol me kom ki me tam wic ma LRA otimmo ikom gi. Kigoyo pole marac atika dok kiburo gi ki tim gero pi kwero ni kibun kwed gi tektek onyo me kwero tim gero mukene me butu, onyo pi turu cik pa LRA. Kidiyo bene mon ki anyira mapol ma kimakko ni me goyo onyo neko jo mukene ma kimakko pi turo cik pa LRA.

98. Kidiyo mon ki anyira ma kimakko ni me yee kama kiketo gi iye i dul pa LRA ki bot komanda onyo lulweny ma ki/onyo dog ot ne. KONY ki lutimbal luwote, kun

gitiyo ki lukomanda ki lulweny pa LRA ma iter loc gi, gutiyo ki twero ma won jami bedo kwede, me keto anyira ki mon me mwaka weng ma kipoko bot lulweny pa LRA, keto gi ikwo me opii.

99. Anyira ma kimakko ma LRA onongo neno ni pud pe gutegi maber me butu coo ki me doko “mon ot” onongo kilwongo gi ni ting-ting. Man obedo olo anyira abic pi kare kikelo iye adot ni. Kidiyo anyira man me timmo tic ot kun nongo kitye kajulu gi me doko mon ot adiya lacen.

100. Kidiyo anyira ki mon ma otegi me doko mon ot ma gibutu ki lacoo moni keken – mon ot idic – pa lulweny pa LRA. KONY en kikome opokko mon ki anyira calo “mon ot” dok otiyo ki twero ne calo latela pa LRA me neno ni kiketo man i tic kaweng i LRA. KONY en kikome obedo ki “megi odi ne” mapol ikare ma kikelo iye adot ni, ma i kin gi obedo anyira aryo ma kimakko ki i Lwala Girls School.

101. Onongo mitte ni omyero mon ma kidiyo gi me bedo mon ot gurwatte i butu ki lulweny moni pa LRA kimiyo en bote ni keken, me butu kwede i cawa mo keken ma en lulweny meno mito, me nywale lutino, me timmo tic me ot, onyo me timmo gin ma nongo “cog gi” ocikko gi ni gutim.

102. Pol kare, lulweny pa LRA onongo diyo mon ki anyira ma kimakko ka “kipoko” bot gi ni me butu kwed gi. Butu ki lacoo onongo kineno calo tic acel i kin tic ma mon ot adiya omyero gutim. Mon ki anyira ni onongo pe giromo gengo tim gero me butu ikom gi, pi kwo me dic ki bura ma onongo tye i LRA, me tic ki tek ikom dano kit ma lulweny pa LRA onongo gitiyo kwede, bura me pwod pi kwero lubbo lok onyo temmo lwii, ki jenge ikom lulweny pa LRA pi gwoko kwo gi. Man otimme ento pe ogak ikom olo mon 7 ma kimiyo gi bot Dominic Ongwen, nyako acel ma kimiyo bot Otti, nyako acel ma kimiyo bot Bunia, nyako acel ma kimiyo bot Aboro ki nyako acel ma kimiyo bot Lukwiya, ikare ma kikelo iye adot ni.

103. Cik matek ma KONY aye oyubbo dok omokko, onongo odoro lok me butu ikin mon ma kimakko ni ki lumemba pa LRA ma coo, ki bene me tic ot pa anyira ki mon.

Malube ki cik magi, onongo pe kiyee ni mon ki anyira ma kimakko gi ni rwatte i butu ki coo mukene ma pat ki ma kilwongo ni “cog gi”.

104. Macalo adwogi me butu kwed gi tektek ma kitimo ikom gi, mon ki anyira mia-ki-mia guyac. LRA oriko wii mon ki anyira man i yoo ma pe rwatte ki cik ikare me yacu gi ki miti me timmo tim maracu atika ma turu cik me wilobo, ma ikine obedo iye, medde kigwoko gi ikwo me opii, butu kwed gi tektek, wunu gi, ki tim alany mukene labongo kicca (nyom i dic). Ikin mon ki anyira ni obedo iye ento pe ogak ikom “mon ot” adek pa Dominic Ongwen ki “min ot” acel pa Ocitti.

105. Kare ducu, mon ki anyira ma kimakko ni gunongo arem malit me kom gi ki me wic dok gudeno can macalo adwogi me tim gero me kom, me wic ki bene pi anywar me butu, bedo ikwo me bura ka dic, ki bedo i kabedo ma kwo iye rac, ki bene kimedde ki gengo gi me bedo agonya ki kwanyo twero gi me mokko tam gi ikom lok me butu ki nyodo, ki diyo gi i “nyom” ki yacu labongo mitti gi. Arem ki can ma gudeno ni obedo pi tyen lok me buru, diyo, ki pwodo gi, ma man pe oaa dok pe obedo adwogi me pwod ma kimiyo iter cik. Man okelo can malit ki awano maracu me kom, me wic ki me yotkom ikom mon magi, ma kitte rom ki kit bal mukene ikom dano. KONY onongo ngeyo tyen lok ma onongo oweko cik mokko ni man tim alany labongo kicca.

5. Tic pa KONY macalo latim bal ma oribbe ka timmo bal kacel ki luwote kun kitiyo ki jo mukene malube ki dul25(3)(a) me Cik me Roma (Adot 1-29, dul 4.1. nio i 4.11)

106. KONY ki lutim bal luwote guketo i tic Yub ma Kiyubu Kacel kun gutiyo ki LRA calo dul ma oyubbe maber i lok me rwom kit ma kicoyo kwede malo (dul coc 9-19). KONY otimmo tic ma piretek i bal ma kikelo iye adot – Adot 1-29 - kit ma kitito kwede i Yub ma Kiyubbu kacel i yoo man:

- **KONY onongo pol kare miyo oda bot dul pa LRA me monyo, nekkko ki tero i yoo marac reya ma onongo kitamo ni gicwako gamente me Uganda ki me balo onyo kwallo jami pa reya**

107. Pol kare KONY onongo miyo oda ma kitiyo kwede kare ducu ki ma keme ki tic moni keken, bot dul pa LRA me monyo reya, ma onongo kitamo ni gicwako gamente

me Ugnada, i kabedo ma patpat ma i kumalo me Uganda, me nekho ki me lanyo reya man, ki me balo ki kwanyo jami gi. Oda magi onongo pole kicwalo bot lukomanda pa LRA ki i radio wek gukwang kaweny.

108. Oda magi obedo iye ento pe ogak ki jami magi: I nino dwe 7 me dwe Aboro i mwaka 2002, KONY ki Vincent Otti gugolo oda ni rwom me nek omyero kidod. I dwe me Apar wiye acel mwaka 2002, KONY omyero oda bot lukomanda pa LRA weng ni omyero kikem dano ma i kabedo ma i Kamdini ki Minakulu. Vincent Otti dong okwango oda meno bot Abudema ki Odhiambo ki ogolo oda bot lukomanda mukene pa LRA me monyo kabedo mukene matye i Acholi ki but kabedo ma i Lango. Medo ikom meno, i dwe me Angwen i mwaka 2003, KONY omyero oda ni dano ma i kabedo ma i Lagile omyero kinek gi. Ka bene i dwe me Angwen i mwaka 2003 KONY ogolo oda ni Acholi omyero “kityek” gi. Ka doki, i dwe me Abungwen i mwaka 2003, KONY ogolo oda ni LRA omyero ocak nek nia ki i Soroti wa i Acholi. Otti opokko lukomanda me miyo it gi katala me timmo opotoro magi. I dwe me Apar wiye acel i mwaka 2003, KONY omyero oda ni dano ma i Lango omyero guden can, en bene ogolo oda bot Kapere me cako nek labongo koyo ngat mo i Kitgum. I nino dwe 11 me dwe me Apar wiye acel mwaka 2003, KONY ogolo oda ni lulweny pa LRA omyero gunek dano ma i Lango, Acholi ki Teso. Ogolo oda maleng ni kinek mon Langi. Inino dwe 23 me dwe me Acel mwaka 2004, KONY ogolo oda pi nekho reya nicakke ki ikom lutino matino nio ikom dano mutegi kun wacco ni reya aye gitye kadiyo gamente me lweny ikom LRA. I tum dwe me Adek i mwaka 2004, KONY ogolo oda ni omyero pe kiwek gin mo keken ma kwo pien dano weng ma i Uganda gitye kalweny ikom LRA. I dwe me Angwen i mwaka 2004, oloko atikane ikom IDP kem Odek calo kama omyero kikem. Medo ikom meno, ogolo oda bot LRA me monyo kabedo ma i Gulu, kama IDP kem Pagak onongo tye iye, ma pud nino dwe 16 me dwe me Abic i mwaka 2004 pe oromo.

- **KONY omokko mok ma pirgi tek makwako kit, tek ki kama omyero kikem i monyo reya ma i kumalo me Uganda**

109. Ikare man ma kikelo iye adot ni, KONY onongo pol kare golo oda makwako jami weng ki ma pirgi tek calo mokko kabedo mene ma lulweny pa LRA omyero

omony ki kit tic ango ma LRA omyero gukemme kwede ikare me opotoro, ki kit ma omyero kiwek pire obed tek mukwongo ki/onyo kimony kwede reya.

110. Mok ma pirigi tek obedo iye ento pe ogak ki jami magi: I dwe me Abiro i mwaka 2002, KONY ocikko Otti me mede ki opotoro ne i Uganda me kwang en KONY. I nino dwe 31 me dwe me Adek KONY ogolo oda me monyo kem Oroko ki me wango odi weng ki nekko reya. Omiyo oda kamaleng bot komanda pa LRA Bunia, me nekko dano 800 ma i kem ni. I dwe me Angwen i mwaka 2003, ma Ongwen odwoko lok ni emonyo kem Lagile ci enekko reya 20 ka emakko dano ma ikin gi obedo latic pa Red Cross, KONY ocikko Ongwen me nekko dano meno. Ka bene pud i dwe me Angwen i mwaka 2003, KONY ogolo oda bot dul weng pa LRA me cako tic matek me keto ambuc ki monyo kem, ki me kemo atikane kabedo ma i Okinga, Acholi Bur, Lagile ki Laguti. I dwe me Abic i mwaka 2003, KONY omito oda bot Otti me yubbo monyo taun calo Gulu, Kitgum, Lira ki Pader. Otti bene omiyo oda bot Lukwiya, Angola ki Ongwen me yubbo kacel mony magi. I dwe me Apar wiye acel i mwaka 2003, KONY omiyo oda bot Otti me meddo tic pa LRA me monyo kaweng i kumalo me Uganda.

111. I dwe me Abicel i mwaka 2003, KONY ogolo oda ni omyero kimony gangi kwan ki *universities*. Lacen omiyo oda bot Otti me monyo kabedo ma i Lango labongo kicca ka ingeye omede i kabedo ma i Teso me meddo malo amak.

112. I nino dwe 12 me dwe me Aryo i mwaka 2004, KONY ogolo oda bot lukomanda ne me tic ki diro tic kit ma Odhiambo onyutu i monyo kem Abia.

113. I dwe me Angwen i mwaka 2004, KONY ogolo oda ni atikane mon.

114. KONY ocwako bene yakko jami pa reya, onongo ripot ikom jami ma kiyako, ki odoro pokko gi.

- **KONY oketo yub me amak ikin kare ma kikelo iye adot omiyo oda bot LRA weng me makko reya**

115. Ikin kare man kikelo iye adot kikelo iye adot, KONY omedde ki cwako ki keto tic yub me makko dano ma onongo gin ma LRA ngene pire nicakke i acakki me me

dul man, dok ma en aye oketo i tic wacon calo latela pa LRA ma kare ma kiklo iye adot kikelo iye adotni bene pud pe oromo. En oneno ni man otimmo pien pol kare en onongo miyo oda me makko reya pi cullu wang bur ma nongo odong i LRA, ma man kilubu. KONY ikare mogo bene miyo oda ma ma kemo atir dano ma i kabedo moni i kumalo me Uganda (Lango, Teso, Acholi), kit jami omyero kikem (labol ne, gangi kwan onyo kem) onyo ikom cere mogo keken.

116. KONY aye bene omoko ka rwom ma amak omyero omedde ki kare ma LRA omyero pe gumak dano. I nino dwe 22 me dwe me Abiro mwaka 2002, KONY omiyo oda bot Lakati, lakomanda pa LRA ma rwom ne lamal, me medo makko lutino, olo 25. Ma Tabuley odwoko lok ni emakko lutino 200, KONY ocwalo lok ni lutino magi omyero kicwal bot en dok ni kimed rwom pa Tabuley. I dwe me Abongwen i mwaka 2002, KONY omiyo oda ni lutino matino weng ma kinongo ki i caro omyero kicwal gi bot en kit ma gubidoko lumony pa LRA. I nino dwe 16 me dwe me Apar wiye acel i mwaka 2002, KONY omiyo oda ni komanda acel acel omyero olo gumak awobe 50 ma mwaka gi pe romo 10. Ka bene i dwe me Apar wiye acel i mwaka 2002, KONY owacco ni LRA mo keken pe omak dano ma mwaka gi kato 15 “pien gin luyela”. Kony ocikko Vincent Otti me makko lutino matino keken ma doro gi yot. I dwe me Abic ki Abicel i mwaka 2003, KONY omiyo oda bot dul pa LRA ni kemo gangi kwan ki makko anyira kwan.

117. I nino dwe 18 me dwe me Aboro i mwaka 2003, KONY ocikko ni amak omyero ogik nio wang me elokko tamme. Ka inino dwe 11 me dwe me Apar wiye acel mwaka 2003, en dok omiyo oda me monyo gangi kwan me makko lukurut mukene. I dwe me Abic mwaka 2004, KONY ocikko Otti ki Lukwiya me makko lutino mapol me leyo ka wang lutino ma gulwii ni.

118. KONY bene omiyo oda ma kemme atikane kimakko anyira. Wang mapol i mwaka 2003, ocikko lukomanda ne me makko anyira, atikane ma gitino dok gileng ki anyira kwan, me bedo calo “mon ot”, gulubo oda man.

- **KONY oyubu dok oketo i tic cik pa LRA ikom makwako tic kit ma omyero kiter gi kwede ikom mon ki lutino**

119. KONY oyubu dok oketo i tic cik pa LRA ma makwako dog okori pa mon ki lutino ki kit ma omyero kiter gi kwede ma kare ma kikelo iye adot pud pe oromo, ikare me adot ki ingeye kikelo iye adot. En aye odoro dok pol kare omokko kit me pokko anyira ki mon. En aye omiyo pwod, mokko kit kwee me atimma ki ocwako keto lutino ki mon ma ii LRA me doko calo opii. Kit alany marac atika tere tere me kom ki me wic ikom mon ki lutino oweko onongo gibedo iter dic dok kama aranyi tye iye. Ka anyira dong “gutegi” en onongo miyo oda ni kimii gi bot lulweny ma coo. Ma dako mo acel okwero miyo latinne me doko ting ting, en omiyo oda ni kigoye. KONY omiyo oda malube kipoko anyira bot lukomanda.

- **KONY kikome otiyo ki lutino calo escort dok omakko mon ki anyira ma k me bedo calo lutic ode ki mon ode i dic.**

120. KONY kikome otiyo ki lutino calo escort ne, dok anyira ki mon calo mon ode i dic, lupidi, ki lutic i ot. KONY kikome onongo tye ki “mon ot” mapol ikare man ma kikelo iye adot kun bedo calo lanyut bot lukomanda ne.

- **KONY oyubbo ki oketo i tic cik me doro woro i LRA, dok ocukku lukomanda pa LRA kun minii gi mic ki buro gi me timmo opotoro pa LRA**

121. KONY oneno ni kiketo i tic cyub matek me doro woro i LRA ducu. Cik onongo aa ki bot KONY dok en aye onongo tye ki twero me lokko cik magi. Oneno ni LRA ducu olubo cik magi. KONY omiyo oda me nekkono onyo miyo pwod ikom lumemba pa LRA me rwom ma malo, ento kitung cel, onongo miyo twero bot jo mukene me mokko mok me pwod ka onongo kwako lumemba pa LRA me rwom ma lapiny ki jo ma pud kimakko amaka. KONY otiyo ki bura ki miyo cikke, ki bene miyo mic me neno ni lukomanda ki lulweny pa LRA gulubo oda ne, ma ikine onongo tye iye tic monyo reya ma i kumalo me Uganda, ma obedo iye nek, amak, ki yak.

- **KONY omokko lok me rwom ki medo rwom/dwoko piny rwom pa lukomanda pa LRA ki kobbo lulweny i dul ma pat pat**

122. KONY onongo mokko mok me doro tic dok onongo miyo oda ki cik makwako LRAI, calo kobbo lukomanda ikin dul ma patpat, mok ikom wot pa brigade ki dul ma patpat, wel dano ma omyero obed i dul ma patpat malube ki kit ma piny ne tye kwede, pi mitti yubu kacokke ikin ma patpat, ki mok i kit me kubbe ki gwoko ber bedo. KONY kene aye onongo tye ki twero me mokko mokikom medo rwom ki dwoko piny rwom pa lukomanda i LRA.

- **KONY onongo mokko mok ikom kit ma omyero kipok kwede jami, ma ikine obedo iye muduku ki nyig ricac i LRA**

123. KONY oyubbu yub dok odoro poko muduku ki nyig ricac bot dul pa LRA ma onongo gitye ka tic i kumalo me Uganda. KONY odoro wel jami lweny ma tye bot LRA, me labolle, miyo oda bot jo matye iter loc-ce me golo muduku ki nyig ricac ma onongo kiyiko i Sudan (kit macon onongo kilwongo kwede) ki Uganda. KONY aye bene oyubu kit me cwalo/pokko muduku ki nyig ricac bot dul mony ne i Uganda ki bene ocikko kit ma myero kipok muduku ki nyig ricac bot dul ma patpat.

124. KONY onongo tye ki tam me timmo bal ma kikelo iye adot ni, dok onongo tye ki miti, onyo onongo ngeyo ni kibitimo bal ma kikelo iye adot ikare me tic LRA. KONY onongo tye ki ngec pi bal ma obitimme macalo adwogi me Yub ma Kiyubu Kacel dok ni onongo kibitimmo bal magi macalo adwogi me keto i tic Yub ma Kiyubbu Kacel ni. KONY bene onongo tye ki ngec ikom kit ma LRA tye kwede, ma ikine onongo tye iye, dul ma oyubbe maber dok lubu rwom, ma oweko en ki lutim bal luwote me bedo ki twero kacel ikom bal magi.

125. KONY onongo tye ki miti me timmo bal pi bal acel acel ma kikelo iye adot, ma onongo tye iye, miti me kelo adwogi moni. Oweko lumemba pa LRA gukelo arem ki can ikom jo ma kitimo bal ikom gi pi tyen lok me pwodo, buru, diyo dano, ki pi tyen lok me apokapoka. KONY bene otimmo bal magi ki miti me kelo apoka poka ikom jo

ma kitimo bal ikom gi pi tam ni gicwakko dul me wii bye moni, pi bedo coo onyo mon, ki mwaka gi, kit ma rwatte kwede. En bene onongo ngeyo tyen lok ma oweko kikelo adot pi tim alany ki anywar yoo marac, calo tim alany mukene labongo kicca – pien tim man rom ki tim ma kicimo gi iter dul dul7(1) me Cik Roma. KONY onongo omiyo ni kimedede ki turu twero pa mon ki anyira, ma kiyaco gi tektek, me bedo agonya pi meno kiriko wi gi wek kitim ikom gi bal marac ma turo cik me wilobo, ma ikine tye iye, bal ma kikelo iye adot ni.

126. KONY ki lutim bal pa LRA bene onongo gingeyo tyen lok ma oweko cik omoko ni jo ma kitimo bal ikom gi ni gitye reya. Onongo bene gingeyo tyen lok ma oweko cik gwoko jami ma gubalo ni. Gubedo ki miti ni kikem me amonya, reya ma i kumalo me Uganda, ma ikine tye ite, anyira kwan ki reya ma i kem ma pe gitye i lweny.

6. Kit ma bal cung kwede iwii KONY pi Miyo Oda ki Bitto dano me timmo bal malube ki Dul25(3)(b) me Cik me Roma (Adot 1-29)

127. I yoo mukene, KONY omiyo oda bot lumemba pa LRA, ma en onongo tye ki twero ikom gi, me timmo bal ma kikelo iye adot ni. Ka bene en i yoo mukene, KONY ocikko ki/onyo oweko jo matye iter locce gutimmo bal ma kikelo iye adot ni, ki lok ma en obedo ka wacco ne, ma ikine tye iye, cuku cwiny me timmo bal ikom reya, koko ikom reya pi lweny ma onongo tye kamedede ni, ki lokko lok maracu ikom reya ki dwoko piny rwom pa reya me bedo dano; pakko lutim bal pa LRA; ki miyo mic bot lutim bal pa LRA calo meddo rwom gi ki pokko mon ma kidiyo gi me bedo mon ot ki jo mukene ma gitye opii.

128. KONY obedo ki miti me timmo tim magi dok onongo ngeyo rwom ne me twero ki kero ne ikom lutim bal magi. Onongo mito ni bal magi otimme onyo onongo ngeyo ni bal magi obitimo ma calo adwogi me keto i tic oda onyo ma calo adwogi me gin me en otimmo onyo pe otimmo gengo bal, dok en onongo tye ki miti ki ngec makwako bal ma rwatte kit ma kiketo i dul coc 125–126.

7. Bal ma KONY Kikome Otimmo malube ki Ddul25(3)(a) me Cik me Roma (Adot 30-36)

129. Nyako mo ma kimakko ki i Lwala Girls School inino dwe onyo ikine nino dwe 24 me dwe me Abicel i mwaka 2003 kitero bot KONY i Tim Palukok i Kitgum district inino dwe onyo ikine nino dwe 8 me dwe me Abiro i mwaka 2003. KONY oyeroyero nyako man me bedo i gange ki ikin anyira mukene ma kicwalo gi bot en. I dwe me Abiro/Aboro i mwaka 2003, ikare ma gitye i kumalo me Uganda, KONY odiyo en me bedo dako ne – dako i dic.

130. Calo dako adiya pa KONY, onongo mitte ni en obut ki KONY keken, otim tic me ot, ki onyo, otim tic ma KONY ocikke ni otim. Odeno can matek dok ki arem malit ikome, wiye ki i yotkome ma kitte rom ki kitbal mukene ikom dano. KONY onongo ngeyo tyen lok ma oweko bal magi kitte bedo calo tim alany. Arem ki can man pe oa ki ikom dok pe obedo adwogi me pwod ma kimiyo iter cik.

131. KONY odiyo nyako man me butu kwede tyen mukwongo ki i kumalo me Uganda, ikine me cabit angwen ingee makko ne. Ma KONY omine oda me cito i ote, en okwero wang adek. Macalo adwogi me kwero oda man, KONY ocikko bodyguard ne me goyo ne. Ingee meno, en onongo peke ki yoo mo mapat ki me yee miti pa KONY me butu kwede. KONY obolo nyako ni i wi kabuto ne, oyeco later bongo ne, ka oroyo nyime me coo ikom nyim en me mon. Ikare meno weng, nyako ni pe onongo tye agonya me aa, pien en onongo tye iter loc ki twero pa KONY. Ingee butu kwede tektek pi tyen mukwongo ki i kumalo me Uganda, obutu ki nyako ni tektek tere-tereki i Sudan (kit ma ikare meno onongo kilwongo kwede) nio wa ikare ma kilaro nyako ni i nino dwe onyo ikine nino dwe 30 me dwe me Abungwen i mwaka 2004. Ikare man ducu, KONY otiyo ki tek, bura me tic ki tek, dic, onyo otiyo ki yoo me dic ki bura matye i LRA me diyo nyako ni me butu kwede. KONY omiyo bot nyako man arem me kom ki wic ki deno can, ki bene deno can malit ki ki awano marac me kom ki me wic onyo me yotkom. Tim man kitimmo me buru, pwodo ki diyo nyako man.

132. Nicakke i dwe me Abiro i mwaka 2003 nio ikare ma kilare i nino dwe onyo ikine nino dwe 30 me dwe me Abungwen mwaka 2004, KONY otiyo ki twero ma won jami bedo kwede, me lokko nyako man calo jami ne. KONY okwanyo twero ne me bedo agonya kun keto anyaka ni iter gwok pa mony, loyo kama en romo cito iye ki kabedo

ma orume, kwanyo twero ne me moko tam ne ikom lok me butu ki nyodo, keto dic ikome ma wek lwii obed tek, tim anywar me kom ki me tam ki ki diyo en me timmo tic tektek, ma meno odwoke i rwom me opii.

133. Bal cung iwii KONY, calo dano ma otimmo bal kikome, pi timmo bal ma kikelo iye adot ikom nyako man, kit ma kitito kwede i dul coc 129-132. KONY obedo ki miti me timmo tim weng kit ma kitito malo ki me kelo adwogi meno onyo onongo ngeyo ni timmo jami meno obikelo adwogi man. En obedo bene onongo tye ki miti ki ngec makwako bal ma rwatte kit ma kitito kwede malo.

III. KIT MA CIK TITO KWEDE TIM MA OTIMME

134. Malube ki lok makwako tim ma otimme ma kicoyo malo ni, bal cung iwii KONY pi tim magi:

(Bal ma otimme ikare me monyo kem ki Lwala Girls School)

Adot 1: Monyo akaka reya ma meno bal ikare me monymalube kidul 8(2)(e)(i) ki 25(3)(a) ribbe ka timmo bal ki luwote kun kitiyo ki jo mukene) ki 25(3)(b) (miyo oda ki bitto dano) me Cik me Roma inino dwe onyo ikine nino dwe 24 me dwe me Abicel i mwaka 2003 i **Lwala Girls School (dul coc 20-25)**, inino dwe onyo ikine nino dwe 10 me dwe me Apar i mwaka 2003 **Pajule IDP kem (dul coc 26-32)**, inino dwe onyo ikine nino dwe 4 me dwe me Aryo i mwaka 2004 i **Abia IDP kem (dul coc 33-41)**, inino dwe onyo ikine nino dwe 21 me dwe me Aryo i mwaka 2004 i **Barlonyo IDP kem (dul coc 42-48)**, inino dwe onyo ikine nino dwe 29 me dwe me Angwen i mwaka 2004 i **Odek IDP kem (dul coc 49-56)**, inino dwe onyo ikine nino dwe 16 me dwe me Abic i mwaka 2004 i **Pagak IDP kem (dul coc 57-63)**, inino dwe onyo ikine nino dwe 19 me dwe me Abic mwaka 2004 i **Lukodi IDP kem (dul coc 64-70)**, ki inino dwe onyo ikine nino dwe 8 dwe me Abicel i mwaka 2004 i **Abok IDP kem (dul coc 71-78)**.

Adot 2: Nek calo bal ikom dano, malube ki dul 7(1)(a) ki 25(3)(a) (ribbe ka timmo bal kacel ki luwote kun kitiyo ki jo mukene) ki 25(3)(b) (miyo oda ki bitto dano) me Cik me Roma, inino dwe onyo ikine nino dwe 10 me dwe me Apar i mwaka 2003 neko olo reya 4 i onyo cok ki **Pajule IDP kem (dul coc 29)**, inino dwe onyo ikine nino dwe

4 me dwe me Aryo i mwaka 2004 neko olo reya 40 i onyo cok ki **Abia IDP kem (dul coc 36, 40)**, inino dwe onyo ikine nino dwe 21 me dwe me Aryo i mwaka 2004 neko olo reya 200 i dok cok ki **Barlonyo IDP kem (dul coc 45)**, inino dwe onyo ikine nino dwe 29 me dwe me Angwen i mwaka 2004 neko olo reya 52 i onyo cok ki **Odek IDP kem (dul coc 53, 55)**, inino dwe onyo ikine nino dwe 16 me dwe me Abic i mwaka 2004 neko olo reya 33 i onyo cok ki **Pagak IDP kem (dul coc 60)**, inino dwe onyo ikine nino dwe 19 me dwe me Abic i mwaka 2004 neko olo reya 48 i onyo cok ki **Lukodi IDP camp (dul coc 67)**, ki inino dwe onyo ikine nino dwe 8 me dwe me Abicel i mwaka 2004 neko olo reya 28 i onyo cok ki **Abok IDP kem (dul coc 74, 77)**.

Adot 3: Nek calo bal ikare me mony, malube ki dul 8(2)(c)(i) ki 25(3)(a) (ribbe ka timmo bal kacel ki luwote kun kitiyo ki jo mukene) ki 25(3)(b) (miyo oda ki bitto dano) me Cik me Roma inino dwe onyo ikine nino dwe 10 me dwe me Apar mwaka 2003 neko olo reya 4 i onyo cok ki **Pajule IDP kem (dul coc 29)**, inino dwe onyo ikine nino dwe 4 me dwe me Aryo i mwaka 2004 neko olo reya 40 i onyo cok ki **Abia IDP kem (dul coc 36, 40)**, inino dwe onyo ikine nino dwe 21 me dwe me Aryo i mwaka 2004 neko olo reya 200 i onyo cok ki **Barlonyo IDP kem (dul coc 45)**, inino dwe onyo ikine nino dwe 29 me dwe me Angwen i mwaka 2004 neko olo reya 52 i onyo cok ki **Odek IDP kem (dul coc 53, 55)**, inino dwe onyo ikine nino dwe 16 me dwe me Abic i mwaka 2004 neko olo reya 33 i onyo cok ki **Pagak IDP kem (dul coc 60)**, inino dwe onyo ikine nino dwe 19 me dwe me Abic i mwaka 2004 neko olo reya 48 i onyo cok ki **Lukodi IDP kem (dul coc 67)**, ki inino dwe onyo ikine nino 8 me dwe me Abicel i mwaka 2004 neko olo reya 28 i onyo cok ki **Abok IDP kem (dul coc 74, 77)**.

Adot 4: Temmo nek calo bal ikom dano, malube ki dul 7(1)(a) ki 25(3)(f) ki 25(3)(a) (ribbe ka timmo bal kacel ki luwote kun kitiyo ki jo mukene) ki 25(3)(b) (miyo oda ki bitto dano) me Cik me Roma inino dwe onyo ikine nino dwe 4 me dwe me Aryo i mwaka 2004 olo reya 25 i onyo cok ki **Abia IDP camp (dul coc 37)**, inino dwe onyo ikine nino dwe 21 me dwe me Aryo i mwaka 2004 olo reya acel i ki cok ki **Barlonyo IDP kem (dul coc 45)**, inino dwe onyo ikine nino dwe 29 me dwe me Angwen i mwaka 2004 olo reya 10 i ki inget **Odek IDP kem (dul coc 53)**, inino dwe onyo ikine nino dwe

16 me dwe me Abic i mwaka 2004 olo reya 7 i ki cok ki **Pagak IDP kem (dul coc 60)**, inino dwe onyo ikine me nino dwe 19 me dwe me Abic i mwaka 2004 olo reya 11 i ki cok ki **Lukodi IDP kem (dul coc 67)**, ki inino dwe onyo ikine nino dwe 8 me dwe me Abicel i mwaka 2004 olo reya 11 i onyo cok ki **Abok IDP kem (dul coc 74)**.

Adot 5: **Temmo nek**, calo bal ikare me mony, malube ki dul 8(2)(c)(i) ki 25(3)(f) ki 25(3)(a) (ribbe ka timmo bal kacel ki luwote kun kitiyo ki jo mukene) ki 25(3)(b) (miyo oda ki bitto dano) me Cik me Roma, inino dwe onyo ikine nino dwe 4 me dwe me Aryo i mwaka 2004 olo reya 25 i ki inget **Abia IDP kem (dul coc 37)**, inino dwe onyo ikine nino dwe 21 me dwe me Aryo i mwaka 2004 olo reya acel i ki inget **Barlonyo IDP kem (dul coc 45)**, inino dwe onyo ikine nino dwe 29 me dwe me Angwen i mwaka 2004 olo reya 10 i ki inget **Odek IDP kem (dul coc 53)**, inino dwe onyo ikine nino dwe 16 me dwe me Abic i mwaka 2004 olo reya 7 i ki inget **Pagak IDP kem (dul coc 60)**, inino dwe onyo ikine nino dwe 19 me dwe me Abic i mwaka 2004 olo reya 11 i ki inget **Lukodi IDP kem (dul coc 67)**, ki inino dwe onyo ikine nino dwe 8 me dwe me Abicel i mwaka 2004 olo reya 11 i ki inget **Abok IDP kem (dul coc 74)**.

Adot 6: **Awun**, calo bal ikom dano, malube ki dul 7(1)(f) ki 25(3)(a) (ribbe ka timmo bal kacel ki luwote kun kitiyo ki jo mukene) ki 25(3)(b) (miyo oda ki bitto dano) me Cik me Roma, wunu reya ikare me mony ki ingee mony inino dwe onyo ikine nino dwe 24 me dwe me Abicel i mwaka 2003 i ki cok ki **Lwala Girls School (dul coc 24)**, inino dwe onyo ikine nino dwe 10 me dwe me Apar i mwaka 2003 i ki cok ki **Pajule IDP kem (dul coc 31)**, inino dwe onyo ikine nino dwe 4 me dwe me Aryo i mwaka 2004 i ki cok ki **Abia IDP kem (dul coc 37, 40)**, inino dwe onyo ikine nino dwe 29 me dwe me Angwen i mwaka 2004 i ki cok ki **Odek IDP kem (dul coc 53-55)**, inino dwe onyo ikine nino dwe 16 me dwe me Abic i mwaka 2004 i ki cok ki **Pagak IDP kem (dul coc 62)**, inino dwe onyo ikine nino dwe 19 me dwe me Abic i mwaka 2004 i ki cok ki **Lukodi IDP kem (dul coc 69)**, ki inino dwe onyo ikine nino dwe 8 me dwe me Abicel i mwaka 2004 i ki cok ki **Abok IDP kem (dul coc 77)**.

Adot 7: Me akaka Adot 6, anywar marac atika ki alany, calo tim alany labongo kicca ma kitte rom ki kit tim ma kicoyo i dul 7(1)(a)-(j), calo bal ikom dano, malube ki dul

7(1)(k) ki 25(3)(a) (ribbe ka timmo bal kacel ki luwote kun kitiyo ki jo mukene) ki 25(3)(b) (miyo oda onyo bitto dano) me Cik me Roma, ikom reya ikare me mony ki ingee mony inino dwe onyo ikine nino dwe 24 me dwe me Abicel i mwaka 2003 i ki cok ki **Lwala Girls School (dul coc 24)**, inino dwe onyo ikine nino dwe 10 me dwe me Apar i mwaka 2003 i ki cok ki **Pajule IDP kem (dul coc 31)**, inino dwe onyo ikine nino dwe 4 me dwe me Aryo i mwaka 2004 i ki cok ki **Abia IDP kem (dul coc 37, 40)**, inino dwe onyo ikine nino dwe 29 me dwe me Angwen i mwaka 2004 i ki cok ki **Odek IDP kem (dul coc 54-55)**, inino dwe onyo ikine nino dwe 16 me dwe me Abic i mwaka 2004 i ki cok ki **Pagak IDP kem (dul coc 62)**, inino dwe onyo kine me nino dwe 19 me dwe me Abic i mwaka 2004 i ki cok ki **Lukodi IDP kem (dul coc 69)**, ki inino dwe onyo ikine me nino dwe 8 me dwe me Abicel i mwaka 2004 i ki cok ki **Abok IDP kem (dul coc 77)**.

Adot 8: **Awun**, calo bal ikare me mony, malube ki dul 8(2)(c)(i) ki 25(3)(a) (ribbe ka timmo bal kacel ki luwote kun kitiyo ki jo mukene) ki 25(3)(b) (miyo oda ki bitto dano) me Cik me Roma, wunu reya ikare me mony ki ingee mony inino dwe onyo ikine nino dwe 24 me dwe me Abicel i mwaka 2003 i ki cok ki **Lwala Girls School (dul coc 24)**, inino dwe onyo ikine nino dwe 10 me dwe me Apar i mwaka 2003 i ki inget **Pajule IDP kem (dul coc 31)**, inino dwe onyo ikine nino dwe 4 me dwe me Aryo i mwaka 2004 i ki cok ki **Abia IDP kem (dul coc 37, 40)**, inino dwe 29 me dwe me Angwen i mwaka 2004 i ki cok ki **Odek IDP kem (dul coc 54-55)**, inino dwe onyo ikine nino dwe 16 me dwe me Abic i mwaka 2004 i ki cok ki **Pagak IDP kem (dul coc 62)**, inino dwe onyo ikine nino dwe 19 me dwe me Abic i mwaka 2004 i ki cok ki **Lukodi IDP kem (dul coc 69)**, ki inino dwe onyo ikine nino dwe 8 me dwe me Abicel i mwaka 2004 i ki cok ki **Abok IDP kem (dul coc 77)**.

Adot 9: **Me akaka Adot 8, tero dano i yoo marac**, calo bal ikare me mony, malube ki dul 8(2)(c) (i) ki 25(3)(a) (ribbe ka timmo bal kacel ki luwote kun kitiyo ki jo mukene) ki 25(3)(b) (miyo oda ki bitto dano) me Cik me Roma, reya ikare me mony ki ingee mony inino dwe onyo ikine nino dwe 24 me dwe me Abicel i mwaka 2003 i ki cok ki **Lwala Girls School (dul coc 24)**, inino dwe onyo ikine nino dwe 10 me dwe me Apar

i mwaka 2003 i ki cok ki **Pajule IDP kem (dul coc 31)**, inino dwe onyo ikine nino dwe 4 me dwe me Aryo i mwaka 2004 i ki cok ki **Abia IDP kem (dul coc 37, 40)**, inino dwe onyo ikine nino dwe 29 me dwe me Angwen i mwaka 2004 i ki cok ki **Odek IDP kem (dul coc 54-55)**, inino dwe onyo ikine nino dwe 16 me dwe me Abic i mwaka 2004 i ki cok ki **Pagak IDP kem (dul coc 62)**, inino dwe onyo ikine nino dwe 19 me dwe me Abic i mwaka 2004 i ki cok ki **Lukodi IDP kem (dul coc 69)**, ki inino dwe onyo ikine nino dwe 8 me dwe me Abicel i mwaka 2004 i ki cok ki **Abok IDP kem (dul coc 77)**.

Adot 10: **Keto ikwo me opii** calo bal ikom dano, malube dul 7(1)(c) ki 25(3)(a) (ribbe ka timmo bal kacel ki luwote kun kitiyo ki jo mukene) ki 25(3)(b) (miyo oda ki bitto dano) me Cik me Roma, reya ma kimakko gi i inino dwe onyo ikine nino dwe 24 me dwe me Abicel i mwaka 2003 i ki cok ki **Lwala Girls School (dul coc 22, 24, 25)**, inino dwe onyo ikine nino dwe 10 me dwe me Apar i mwaka 2003 i ki inget **Pajule IDP kem (dul coc 31)**, inino dwe onyo ikine nino dwe 4 me dwe me Aryo i mwaka 2004 i ki inget **Abia IDP kem (dul coc 40)**, inino dwe onyo ikine nino dwe 29 me dwe me Angwen i mwaka 2004 i ki cok ki **Odek IDP kem (dul coc 54, 55)**, inino dwe onyo ikine nino dwe 16 me dwe me Abic i mwaka 2004 i ki cok ki **Pagak IDP kem (dul coc 62)**, inino dwe onyo ikine nino dwe 19 me dwe me Abic i mwaka 2004 i ki cok ki **Lukodi IDP kem (dul coc 69)**, ki inino dwe onyo ikine nino dwe 8 me dwe me Abicel i mwaka 2004 i ki cok ki **Abok IDP kem (dul coc 77)**.

Adot 11: **Yakko jami**, calo bal ikare me mony, malubeki dul 8(2)(e)(v) ki 25(3)(a) (ribbe ka timmo bal kacel ki luwote kun kitiyo ki jo mukene) ki 25(3)(b) (miyo oda ki bitto dano) me Cik me Roma, inino dwe onyo ikine nino dwe 24 me dwe me Abicel i mwaka 2003 i ki inget **Lwala Girls School (dul coc 23)**, inino dwe onyo ikine me nino dwe 10 me dwe me Apar i mwaka 2003 i **Pajule IDP kem (dul coc 30)**, inino dwe onyo ikine nino dwe 4 me dwe me Aryo i mwaka 2004 i **Abia IDP kem (dul coc 39)**, inino dwe onyo ikine nino dwe 21 me dwe me Aryo i mwaka 2004 i **Barlonyo IDP kem (dul coc 46)**, inino dwe onyo ikine nino dwe 29 me dwe me Angwen i mwaka 2004 i **Odek IDP kem (dul coc 52)**, inino dwe onyo ikine nino dwe 16 me dwe me Abic i mwaka 2004 i **Pagak IDP kem (dul coc 61)**, inino dwe onyo ikine nino dwe 19 me dwe me Abic

i mwaka 2004 i **Lukodi IDP kem (dul coc 68)**, ki inino dwe onyo ikine me nino dwe 8 me dwe me Abicel i mwaka 2004 i **Abok IDP kem (dul coc 75)**.

Adot 12: **Balo jami**, calo bal ikare me mony, malubedul 8(2)(e)(xii) ki 25(3)(a) (ribbe ka timmo bal kacel ki luwote kun kitiyo ki jo mukene) ki 25(3)(b) (miyo oda ki bitto dano) me Cik me Roma, inino dwe onyo ikine nino dwe 4 me dwe me Aryo i mwaka 2004 i **Abia IDP kem (dul coc 38)**, inino dwe onyo ikine nino dwe 21 me dwe me Aryo i mwaka 2004 i **Barlonyo IDP kem (dul coc 47)**, inino dwe onyo ikine nino dwe 16 me dwe me Abic i mwaka 2004 i **Pagak IDP kem (dul coc 61)**, inino dwe onyo ikine nino dwe 19 me dwe me Abic i mwaka 2004 i **Lukodi IDP kem (dul coc 68)**, ki inino dwe onyo ikine nino dwe 8 me dwe me Abicel i mwaka 2004 i **Abok IDP kem (dul coc 76)**.

Adot 13: **Keto dano ikwo matek**, macalo bal ikom dano, pi lok me cingu iwii byee, dano ma LRA onongo tamo ni giwinye ki, onyo gicwako gamente me Uganda, i yoo me monyo reya ci pi man, neko gi, temmo nek gi, wunu gi onyo tero dano i yoo marac onyo timmo tim alany mukene labongo kicca ikom gi, keto gi ikwo me opii, yakko ki balo jami malube ki dul 7(1)(h) ki 25(3)(a) (ribbe ka timmo bal kacel ki luwote kun kitiyo ki jo mukene) ki 25(3)(b) (miyo oda onyo bitto dano) me Cik me Roma, inino dwe onyo ikine nino dwe 10 me dwe me Apar i mwaka 2003 i ki cok ki **Pajule IDP kem (dul coc 26, 32)**, inino dwe onyo ikine nino dwe 4 me dwe me Aryo i mwaka 2004 i ki cok ki **Abia IDP kem (dul coc 33-41)**, inino dwe onyo ikine nino dwe 21 me dwe me Aryo i mwaka 2004 i ki cok ki **Barlonyo IDP kem (dul coc 42-48)**, inino dwe onyo ikine nino dwe 29 me dwe me Angwen i mwaka 2004 i ki cok ki **Odek IDP kem (dul coc 49-56)**, inino dwe onyo ikine nino dwe 16 me dwe me Abic i mwaka 2004 i ki cok ki **Pagak IDP kem (dul coc 57-63)**, inino dwe onyo ikine nino dwe 19 me dwe me Abic i mwaka 2004 i ki cok ki **Lukodi IDP kem (dul coc 64-70)**, ki inino dwe onyo ikine nino dwe 8 me dwe me Abicel i mwaka 2004 i ki cok ki **Abok IDP kem (dul coc 71-78)**.

Adot 14: **Keto dano ikwo matek**, macalo bal ikom dano, pi tyen lok me mwaka gi ki bedo anyira, anyira kwan ma kimonyo ka kimakko gi inino dwe onyo ikine nino dwe 24 me dwe me Abicel i mwaka 2003 i ki cok ki **Lwala Girls School (dul coc 20-25)**

i yoo me monyo reya, wunu gi, tero gi i yoo marac, kit alany mukene labongo kicca, keto gi ikwo me opii, ki yakko jami gi malube ki dul 7(1)(h) ki 25(3)(a) (ribbe ka timmo bal kacel ki luwote kun kitiyo ki jo mukene) ki 25(3)(b) (miyo oda ki bitto dano) me Cik me Roma.

(Bal ikom lutino ki mon ma kimakko ka kiketto gi i LRA)

Adot 15: Keto ikwo me opii, calo bal ikom dano, pa lutino ma olo romo mia-ki-mia (ma mwaka gi pe romo 18) (**dul coc 87-93**) ki mon ma olo romo mia-ki-mia (**dul coc 94-105**) i LRA nia ki inino dwe 1 me dwe me Abiro i mwaka 2002 nio inino dwe 31 me dwe me Apar wiye aryo i mwaka 2005 i kumalo me Uganda, malube ki dul 7(1)(c) ki 25(3)(a) (ribbe ka timmo bal kacel ki luwote kun kitiyo ki jo mukene) ki 25(3)(b) (miyo oda ki bitto dano) me Cik me Roma.

Adot 16: Nyom idic, calo tim alany labongo kicca ma kitte rom ki kit tim ma kicoyo i dul 7(1)(a)-(j), calo bal ikom dano, ikom anyira ki mon ma olo romo mia-ki-mia (**dul coc 100-104**) i LRA cakke ki inino dwe 1 me dwe me Abiro i mwaka 2002 nio inino dwe 31 me dwe me Apar wiye aryo i mwaka 2005 i kumalo me Uganda malube ki dul 7(1)(k), ki 25(3)(a) (ribbe ka timmo bal kacel ki luwote kun kitiyo ki jo mukene) ki 25(3)(b) (miyo oda ki bitto dano) me dul Roma.

Adot 17: Butu tektek, calo bal ikom dano, ikom anyira ki mon ma olo romo mia-ki-mia (**dul coc 102, 104**) i LRA cakke inino dwe 1 me dwe me Abiro i mwaka 2002 nio inino dwe 31 me dwe me Apar wiye aryo i mwaka 2005 i kumalo me Uganda malube ki dul 7(1)(g) ki 25(3)(a) (ribbe ka timmo bal kacel ki luwote kun kitiyo ki jo mukene) ki 25(3)(b) (miyo oda ki bitto dano me timmo bal) me dul Roma.

Adot 18: Butu tektek, calo bal ikare me mony, ikom anyira ki mon ma olo romo mia-ki-mia (**dul coc 102, 104**) i LRA cakke inino dwe 1 me dwe me Abiro i mwaka 2002 nio inino dwe 31 me dwe me Apar wiye aryo i mwaka 2005 i kumalo me Uganda, malube ki dul 8(2)(e)(vi) ki 25(3)(a) (ribbe ka timmo bal kacel ki luwote kun kitiyo ki jo mukene) ki 25(3)(b) (miyo oda ki bitto dano) me Cik me Roma.

Adot 19: **Awun**, calo bal ikom dano, ikom lutino ma olo romo mia-ki-mia (dano ma mwaka gi pe romo 18) (**dul coc 91-92**) ki mon ma olo romo mia-ki-mia (**dul coc 97, 101-102**) i LRA cakke inino dwe 1 me dwe me Abiro i mwaka 2002 nio inino dwe 31 me dwe me Apar wiye aryo i mwaka 2005 i kumalo me Uganda, malube ki dul 7(1)(f) ki 25(3)(a) (ribbe ka timmo bal kacel ki luwote kun kitiyo ki jo mukene) ki 25(3)(b) (miyo oda ki bitto dano) me Cik me Roma.

Adot 20: **Me akaka Adot 19, anywar marac atika ki alany**, calo tim alany mukene labongo kicca ma kitte rom ki tim ma kicoyo i dul 7(1)(a)-(j), calo bal ikom dano, ikom lutino ma olo romo mia-ki-mia (**dul coc 91-92**) ki mon mia-ki-mia (**dul coc 97, 101-102**) i LRA cakke inino dwe acel me dwe me Abiro i mwaka 2002 nio wa inino dwe 31 me dwe me Apar wiye aryo i mwaka 2005 i kumalo me Uganda, malube ki dul 7(1)(k) ki 25(3)(a) (ribbe ka timmo bal kacel ki luwote kun kitiyo ki jo mukene) ki 25(3)(b) (miyo oda ki bitto dano) me Cik me Roma.

Adot 21: **Awun**, calo bal ikare me mony, ikom lutino ma olo romo mia-ki-mia (**dul coc 91-92**) ki mon ma olo romo mia-ki-mia (**dul coc 97, 101-102**) i LRA cakke inino dwe 1 me dwe me Abiro i mwaka 2002 nio inino dwe 31 me dwe me Apar wiye aryo i mwaka 2005 i kumalo me Uganda, malubedul 8(2)(c)(i) ki 25(3)(a) (ribbe ka timmo bal kacel ki luwote kun kitiyo ki jo mukene) ki 25(3)(b) (miyo oda ki bitto dano) me dul Roma, cake ki inino dwe 1 me dwe me Abiro i mwaka 2002 nio inino dwe 31 me dwe me Apar wiye aryo i mwaka 2005.

Adot 22: **Me akaka Adot 21, Tero dano i yoo marac**, calo bal ikare me mony, ikom lutino ma olo romo mia-ki-mia (**dul coc 91-92**) ki mon ma olo romo mia-ki-mia (**dul coc 97, 101-102**) i LRA cakke inino dwe 1 me dwe me Abiro i mwaka 2002 nio inino dwe 31 me dwe me Apar wiye aryo i mwaka 2005 i kumalo me Uganda, malube kidul 8(2)(c) (i) ki 25(3)(a) (ribbe ka timmo bal kacel ki luwote kun kitiyo ki jo mukene) ki 25(3)(b) (miyo oda ki bitto dano me) me Cik me Roma.

Adot 23: **Keto dano ikow matek**, pi tyen lok me bedo laco onyo dako, ki mwaka, ikom lutino ma olo romo mia-ki-mia (dano ma mwaka ne pe romo 18) (**dul coc 87-93**)

i LRA cakke ki inino dwe 1 me dwe me Abiro i mwaka 2002 ki nino dwe 31 me dwe me Apar wiye aryo i mwaka 2005 i kumalo me Uganda – keto gi ikwo me opii, butu kwed gi tek tek, nyom idic, wunu gi, yaccu tektek, ki tim alany mukene labongo kicca (nyom i dic), coyo tektek lutino i mony ki tic ki lutino ma mwaka gi pe romo 15 malube ki dul 7(1)(h) ki 25(3)(a) (ribbe ka timmo bal kacel ki luwote kun kitiyo ki jo mukene) ki 25(3)(b) (miyo oda ki bitto dano) me Cik me Roma.

Adot 24: Keto dano ikwo matek, macalo bal ikom dano, pi tyen lok me bedo dako, mon ma olo romo mia-ki-mia (**dul coc 94-105**) i LRA cakke ki inino dwe 1 me dwe me Abiro i mwaka 2002 nio i nino dwe 31 me dwe me Apar wiye aryo i mwaka 2005 i kumalo me Uganda - keto gi ikwo me opii, butu kwed gi tektek, wunu gi, yaccu gi tektek, ki tim alany mukene labongo kicca (nyom i dic) malube ki dul 7(1)(h) ki 25(3)(a) (ribbe ka timmo bal kacel ki luwote kun kitiyo ki jo mukene) ki 25(3)(b) (miyo oda ki bitto dano) me Cik me Roma.

Adot 25: Coyo tektek lutino i mony, macalo bal ikare me mony, ma kicoyo lutino ma olo romo mia-ki-mia (**dul coc 93**) i LRA, cakke ki inino dwe 1 me dwe me Abiro i mwaka 2002 nio wa nino dwe 31 me dwe me Apar wiye aryo i mwaka 2005 i kumalo me Uganda, malube ki dul 8(2)(e)(vii) ki 25(3)(a) (ribbe ka timmo bal kacel ki luwote kun kitiyo ki jo mukene) ki 25(3)(b) (miyo oda ki bitto dano) me Cik me Roma.

Adot 26: Tic ki lutino i dog lweny, calo bal ikare me mony, LRA otiyo ki lutino ma olo romo mia-ki-mia ma mwaka gi pe romo 15 (**dul coc 93**), cakke ki i inino dwe 1 me dwe me Abiro i mwaka 2002 nio i nino dwe 31 me dwe me Apar wiye aryo i mwaka 2005 i kumalo me Uganda, malube ki dul 8(2)(e)(vii) ki 25(3)(a) (ribbe ka timmo bal kacel ki luwote kun kitiyo ki jo mukene) ki 25(3)(b) (miyo oda ki bitto dano) me Cik me Roma.

Adot 27: Opii me butu, calo bal ikare me mony, ikom anyira ki mon ma olo romo mia-ki-mia (**dul coc 94-105**) i LRA, cakke inino dwe 1 me dwe me Abiro i mwaka 2002 nio inino dwe 31 me dwe me Apar wiye aryo mwaka 2005 i kumalo me Uganda,

malube ki dul 8(2)(e)(vi) ki 25(3)(a) (ribbe ka timmo bal kacel ki luwote kun kitiyo ki jo mukene) ki 25(3)(b) (miyo oda ki bitto dano) me Cik me dul Roma.

Adot 28: **Yacu tektek**, calo bal ikom dano, anyira ki mon ma olo romo mia-ki-mia (**dul coc 104**) cakke inino dwe 1 me dwe me Abiro i mwaka 2002 nio inino dwe 31 me dwe me Apar wiye aryo i mwaka 2005 i kumalo me Uganda, malube ki dul 7(1)(g) ki 25(3)(a) (ribbe ka timmo bal kacel ki luwote kun kitiyo ki jo mukene) ki 25(3)(b) (miyo oda ki bitto dano) me Cik me Roma.

Adot 29: **Yacu tektek**, calo bal ikare me mony, anyira ki mon ma olo romo mia-ki-mia (**dul coc 104**) cakke inino dwe 1 me dwe me Abiro nio inino dwe 31 me dwe me Apar wiye aryo i mwaka 2005 i kumalo me Uganda, malube ki dul 8(2)(e)(vi) ki 25(3)(a) (ribbe ka timmo bal kacel ki luwote kun kitiyo ki jo mukene) ki 25(3)(b) (miyo oda ki bitto dano) me Cik me Roma.

(Bal ma KONY otimmo en kikome)

Adot 30: **Gwokko i opii**, calo bal ikom dano, nyako mo (**dul coc 129-133**) cakke i dwe me Abiro nio i dwe me Abungwen i mwaka 2004 i kumalo me Uganda ka ingeye i Sudan (kit macon onongo kilwongo pud kwede), malube ki dul 7(1)(c) ki 25(3)(a) (otimmo bal en kikome) me Cik me Roma.

Adot 31: **Nyom i dic**, calo tim alany ma kitte rom ki kit tim ma kicimmo gi iter dul 7(1)(a)-(j), calo bal ikom dano, nyako mo (**dul coc 129-133**) cakke i dwe me Abiro nio i dwe me Abungwen i mwaka 2004 i kumalo me Uganda ki ingeye i Sudan (kit macon onongo kilwongo pud kwede), ma meno rwate ki dul 7(1)(k) ki 25(3)(a) (otimmo bal en kikome) me Cik me Roma.

Adot 32: **Butu tektek**, calo bal ikom dano, ikom nyako mo (**dul coc 131**) i dwe me Abiro/Aboro i mwaka 2003 i kumalo me Uganda malube ki dul 7(1)(g) ki 25(3)(a) (otimmo bal en kikome) me Cik me Roma.

Adot 33: **Butu tektek**, calo bal ikare me mony, ikom nyako mo (**dul coc 131**) i dwe me Abiro/Aboro i mwaka 2003 i kumalo me Uganda malube ki dul 8(2)(e)(vi) ki 25(3)(a) (otimmo bal en kikome) me Cik me Roma.

Adot 34: **Awun**, calo bal ikom dano, ikom nyako mo (**dul coc 131**) i dwe me Abiro/Aboro i mwaka 2003 i kumalo me Uganda, malube ki dul 7(1)(f) ki 25(3)(a) (otimmo bal en kikome) me Cik me Roma.

Adot 35: **Awun**, calo bal ikare me mony, ikom nyako mo (**dul coc 131**) i dwe me Abiro/Aboro i mwaka 2003 i kumalo me Uganda, malube ki dul 8(2)(c)(i) ki 25(3)(a) (otimmo bal en kikome) me Cik me Roma.

Adot 36: **Opii me butu**, calo bal ikare me mony, ikom nyako mo (**dul coc 129-133**) cake i dwe me Abiro/Aboro nio i dwe me Abungwen mwaka 2004 i kumalo me Uganda ki ingeye i Sudan (kit macon onongo kilwongo pud kwede) ma malube ki dul 8(2)(e)(vi) ki 25(3)(a) (otimmo bal en kikome) me Cik me Roma.

[cinge]

Karim A.A. Khan KC, Lakel Adot

Kicoyo inino dwe 19 me dwe me Acel mwaka 2024
Ki i The Hague, The Netherlands